

ANG PAGKA SALIKWAUT



Magpabilin ta sa pagtindog sa makadiyot lamang. Bililhong Ginoo, nagaduol kami sa Imong Balaan nga presensiya pag usab sa paagi sa pag-ampo; una, aron sa paghatag ug pagpasalamat sa tanan nga Imong nabuhat kanamo, ug sa dakong gugma sa among kasing-kasing alang Kanimo ug sa Imong Pulong. Ginoo, kining mga katawhan, niining gabhiona, nga akong gihigugma uban sa tibuok kong kasing-kasing, sila nanag-antus ug mianhi aron nga molingkod dinhi sa usa ka mainit nga lawak, ug labaw pa, tungod kay nahigugma sila sa Imong Pulong.

² Ug mianhi kami aron sa pagpangampo sa masakiton, niining gabhiona, Ginoo, ug ang mga kabus. Hinaut nga walay usa nga maluyahong tawo sa among taliwala sa katapusan niining maong boluhaton. Gantihi sila tungod sa ilang pagkamatinumanon, Ginoo. Makigsulti kanamo pinaagi sa Imong Pulong, ug lig-ona kami, Ginoo, samtang kami magapadayon, nga magadala sa pagpakaulaw. Unsang higayona nga makapamuhat niini! Among gipangayo kini sa Ngalan ni Jesus.' Amen. Mahimo na sa pagpanglingkod.

³ Wala ako makakaplag ug mga pulong, dayag na lamang, aron sa pagpahayag sa akong pagpasalamat ngadto sa usa ka pundok sa katawhan nga sama niini, nga mianhi ug molingkod dinhi sa sulod niining tigumanan. Buot ko nga ipasabot, nga, ugma . . . O, kaha moadto kita didto sa Topeka, Kansas, alang sa sunod nga tigum, ug kana matapos sa sunod nga Dominggo. Ug unya moadto ta, gikan didto, ngadto sa Philadelphia.

Ug, karon, moadto unta kami sa laing kanasuran, didto sa Kenya, ug sa Tanganyika, ug sa Oganda, didto sa—sa mga tribo nga atua didto. Ug adunay ilang usa ka gamay nga rebolusyon karon tali sa Mau Maus. Dili ako makasulod ingon nga usa ka missionaryo, apan akong sulayan ang pagsulod ingon nga usa ka mangangayam. Mosulod, ug sila nagapangandam.

⁴ Ang kasagaran, mosulod ako ingon nga usa ka missionaryo ug aron sa pagpangayam, niining panahona moadto ako ingon nga mangangayam, ug usab usa ka missionaryo. Busa, didto—didto, adunay lain nga paagi sa pagsulod didto alang kanila. Ug si Igsoon Mattsson-Boze unya anaa sa boluhaton, naningkamot sa pagpasulod kanako, aron sa pag-andam sa pangayam nga maoy akong tuyo sa pagpangayam. Ah, dayon misulod ako diha sa pangayaman, ug unya moingon siya, “Atong Igsoon Branham anaa na sa nasud.” Milakaw dayon siya ngadto sa embahada, “Maayo ba kung maghimo kami ug usa ka gamay nga tigum dinhi niini?” Tan-awa? Kana unya makahimo niini

sa pagsugod, pasagdi nga magpadayon. Busa wala kita masayod kung kini mahimo ba, kung mahimo ba kana nato, o dili. Atong gipaningkamotan. Ug ako na nga gipangayo sa Ginoo, kunay adunay mahitabo nga siya dili, dayon kini mahimo nga ilhanan nga kinahanglan nga mobalik ako didto sa Jeffersonville ug iwali ang *Pito ka mga Trumpeta*, sa mga Julio ug kaha sa Agosto, bisan asa nga duyog diha niana.

⁵ Ug unya, kung atong buhaton, atong gilantaw karon, atong sulayan sa pagkuha niining lawak tulonghaan nga mabugnaw ang hangin, tungod kay kini ang labing maayo ug walay init. Makalingkod ang napulog lima ka gatus ug hangtud sa napulog walo ka gatus ka mga tawo. Ug kini mabugnaw kaayo, usa ka bag-ong dapit, mga hapit ug lima ka mga plasa kapin pa niini. Ug usa niana ka higayon among gihangyo kini, ug wala sila motugot kanato niini. Ug ang tawo nga wala motugot kanato niini gipalagpot sa konseho. Busa karon, ang tawo nga anaa na niana karon miingon nga makagamit na ta sa tanan nga panahon kung kini atong gusto. Busa kami— kami nalipay pag-ayo sa pagkuha niini. Ug busa mahimo na nga among kuhaon kana karon, ug tingali sa Julio, ug adunay. . . Pila man ang magampo, kung itugot na sa Ginoo karon, kung adunay makababag kanato? [Ang Congregasyon miingon, “Amen.”—Ed.]

⁶ Nahibalo ba kamo, ako nakagusto sa Arizona. Usa kini ka talagsaon nga yuta. Sa kanunay ako nangandoy nga mahiadto didto.

Kung imong ipataas kana ug dyutay Igsoong Ben, kung gusto mo, kung kini. . . Oh, kana. . . Oo, sir Oo. Kaha, kinsa man ang anaa kanunay niini, mahimong motikang kini sa taas bisan ug diotay lamang, tungod kay mobalik lang ako gikan niana tinuod. . . [Adunay usa nga miingon, “Teyp, nga igsoon.”—Ed.] Unsay giingon? [“Kanang mga teyp lamang.”] Oh, mga tyep lamang. Oh, ania ang lain pang usa dinhi niini. Pasayloa ako. Mahimo ba, Igsoon Ben. Aron ako. . .

⁷ Sa akong pagbalik gikan sa Arizona, sa pag-abot dinhi, napagaw ako ug gamay, tungod sa pag-usab usab sa kahimtang sa panahon. Dinhi adunay atong hapit ug kawaloan ug pito ka hangtud sakasiyaman, ug usahay usa kagatos ka persento, ang kaumogon. Ug didto kini moabot ngadto sa zero, ug unya usahay diha lang sa kasarangan, usa sa ika-kaluhaan sa usa kapersento ang kaumogon. Ikaw nagapuyo lamang sa ilalom sa usa ka oxygen nga tolda. Ug unya mogawas gikan sa ilalum niana gikan dinhi, nahibalo ba kamo kung unsay daku nga kalainan nga nahimo niini kaninyo. Busa kini makahasol kaninyo diha sa tingog, ug sa uban pa.

Biraha kini kung diin kini kanhi, kung mahimo mo, Igsoon Ben. Nasayop ako sa akong pag-bira niana sa gawas. Naka-

ingon ko nga mao kadto, apan diha *niana* mao man ang ilang pagatumban.

⁸ Karon pag-ampo kamo alang kanamo, ang matag-usa kaninyo. Gipasalamatán ko kamo. Si Billy nagtug-an kanako sa usa ka tawo nga nagdala kanamo ug usa ka basket nga pitses, ug gamay nga mga gasa nga inyong. . . Dili gayud ako makapasalamat kaninyo ug husto. Dili ko—ko mahibalo sa pagbuhat kung unsaon kini. Ug akong—akong gibati ang pagkadili takus sa pagdawat ug mga butang nga sama niana gikan kaninyo. Ako naga-ampo sa Dios nga panalanginan kamo, ug nahibalo ako nga Siya magapanalangin, tungod kay nag-ingon Siya, “Tungod kay inyo kining gibuhát ngadto niining labing ubos, inyo usab kana nga gibuhát ngari Kanako.” Ug ang Dios magapanalangin kaninyo, nakasiguro ko.

⁹ Ug ang Arizona ingon nga usa ka maayong probinsiya, adunay usa ka butang nga akong gikamingawan, kana mao kamong tanan. Husto kana. Mingawon ako kaninyong tanan. Dili—dili ko igsapayan kung hain ako moadto, ako—ako. . . dili kini, dili kamong tanan. Aduna akoy mga higala, bisan asa satibuok kalibutan, apan kana—dili kana—dili kana kamong tanan. Adunay usa ka butang niining gamay nga pundok nga. . . Wala ako masayud. Naghuna-huna ko bahin kanila.

¹⁰ Ug sa Tucson, kini usa ka siyudad sa mga torista, nahibalo kamo, ug ang mga kaiglesyahan nangapukan, nahibalo ba kamo. Ingon ug malisod kini. Dili kaayo espirituhanon; ug, tungod kay adunay panag-indigay, nga makusog kaayo; ug mao kini ang nakapahimong malisod. Kung maangkon ko lamang tanan kamong tanan, lakip ang simbahan, unya mamuyo didto, nagtuo ako nga kini maayo ra. Tan-awa? Apan naghuna-huna ako, nga samtang mga kini magpabilin pa nga simbahan, ug kamong tanan nagapadayon pa sa pag-anhi, magpabilin pa ako dinhi, hangtud nga si Jesus moabot.

¹¹ Busa pag-ampo kamo alang kanako, sumala na sa akong giingon dili pa lamang dugay. Wala ko kini tuyo-a aron usbon kini, apan kung anaa na gani ko ninyo, malisang ako—ako, ug mobati ako ug kasubo, nga mahinuklog, ug usab sa pagkatalandugon, kaayo Mao kana ako, sa sinugdanan pa, busa ako. . . kini nakapahimo kanako nga ang tanan kong kinasuloran mawatas-watas. Apan ang pagkasayud nga bisan hain ako moadto. . . Wala koy—usa ka pundok ibabaw sa yuta, nga akong nahibaloan, nga nagapabilin pinaagi kanako sama niining pundoka. Hinaut nga—nga ang Dios dili motugot nga magakabulag kita, aron nga sa Ginghamian nga umalabot, hinaut nga atua itang tanan manag-uban didto; mao ang akong pag-ampo.

¹² Samtang nagalingkod ako dinhi sa pultahan, nga nakighinabi kang Bill Dauch dili pa lamang dugay sa wala

pa agaka ang usa ngadto kang Cristo, pag-usab, didto sa laing lawak. Apan samtang nagalingkod ako nga nakighinabi ngadto kaniya, kasiyama'g usa ka tuig ang kagulangan, siya miingon, "Nagkahinay na ako—ako. Ang akong mga mata dili na sama kanhi nga ingon."

Ug akong gipamalandong, sa mga duha na ka tuig ang miagi, nga modu-aw kaniya sa dihang sa hingpit adunay iyang sakit sa kasing—kasing ug nasampongan kini, nga tungod niana siya himalatyon. Ug ang doctor gayud nga maoy nag-atiman kaniya, nag-ingon nga dili na siya maayo, ang doctor na hinoon ang namatay. Ug ania nagalingkod dinhi si Bill Dautch, tan-awa, ang kasima'g usa ka tuig. Miingon ko, "Bill, wala ka nay gamit sa kalibutan sa mahitungod sa pagbuhat ug mga butang sama niana. Apan nangayo ako niini, 'Ang Dios maoy magahatag kanimo ug kusog,' tungod kay nahigugma ka sa mga tigum pagmaayo." Kanang usa ka tawo milatas sa nasud diha sa usa ka awto, mainit, kauga, katugnaw, pagkawalay sapayan, bisan unsa pang butang kini, aron lamang makapaminaw sa Pulong. Ang Dios magapanalangin nianang matinagdanon nga kalag. Karon walay akong. . .

¹³ Adunay usa na lamang nga akong gihangyo ang pasaylo, sa akong paglangan kaninyo sa paagi nga akong gibuhat kini niining buntaga, sa tulo ka oras. Ug wala ko buhata ang kaangayan alang sa mensahe, tungod kay ako kining giputol, ug gibilin ang uban niini, ug gilaktawan ko ang uban niini, ug uban pa. Mao kana ang hinungdan nga akong gisultihan sila sa pagpugong sa teyp. Tugoti ako sa pagkuha niini pag-usab sa bisan diin sa higayon nga kini bugnaw o maingon-ingon niana. Ug akong—akong—akong mabati ang Espiritu, apan nagtan-aw ako kaninyo ug nahibalo nga nagmaypay na kamo ug nasayud nga giinitan na kamo, ug—ug kana ingon sa gikunis-kunis ko sa mapino. Dili ko buot nga mag-antos kamo; gusto ko—ko nga kamo mahayahay. Tan-awa? Ug kana maoy nakapakapoy kanako.

¹⁴ Sama, sa akong pagkakita sa mga tawong masakiton; kung dili nako—kon dili ko mobati alang niadtong mga tawo nga adunay sakit, walay akong mabuhat kanila nga maayo. Kinahanglan gayud nga ako—ako mobati alang kanila. Ug walay kalainan uban—uban kaninyo; kinahanglan mobati ako—ako kaninyo, o sa ingon dili ako ninyo igsoon. Tan-awa? Kinahanglan nga ako—ako mobati alang kaninyo. Ug akong gibuhat kana; nahibalo ang Dios nga nga tinuod kana.

¹⁵ Ug karon, karong gabhiona, akong gigahin ang pagpangampo alang sa masakiton.

Ug buot ko. . . sa tawo, ug manalangin niining tawhana, ug si Igsoon Collins, ug si Hickerson, si Igsoon Neville, si Igsoon Capps, ang mga tinugyanan, ug ang tanan, tungod sa

maayong tawo nga nagasingabot, kung unsa ang pagkahan-ay ninyo, nga nagapahimutang sa iglesya, ug giunsa sa tanan butang ang pagkahimo nga kini napahiluna na sa hustong dapit. Mapasalamaton ako kaninyo mga katawhan. Ang Ginoo magapanalangin kaninyo sa inyong paningkamot aron sa paghimo niini nga han-ay. Ug sulat human sa sulat naga-abot ngadto sa Tucson, alang kanako, “Igsoon Branham, kini dili sama sa kaniadto. Dako na kaayo ang kalainan, ang ingon nga usa ka bulahan nga pagbati diha sa Atubangan sa Dios.” Ug mapasalamaton ako—ako tungod niana. Ang Dios sa kanunay magapanalangin kaninyo!

¹⁶ Human niana, karong gabhiona, akong gibasa dinhi niining Kasulatan ang usa ka gamay’ng dapit, aron—aron tingali sa pagpahimutang ug hamubong mga pulong, aron isulti ug basahon ang Kasulatan, ug tingali ug maduha ka mga Kasulatan, ug pagkatapos makigsulti ako kaninyo sa hamubo lamang nga panahon ug unya mag-ampo sa mga masakiton. Dili lamang sa mga hamubo ra nga panahon; akong gibantayan ang orasan, ug akong paningkamotan ang paghimo niini sa labing madali kon mahimo. Apan labi pa nga akong gihuna-huna nga kon ang panon sa mga katawhan magakatigum na, kon dili pagabashon ang Pulong o butang nga pagabuhaton, sa mga pagpahinumdom, ang panagtigum dili mahimong husto.

¹⁷ Daghan kaninyo ang nagahulat. Daghan kaninyo ang aduna pay mga minilyas nga gibiyahi bisan pa niining gabhiona. Akong gidayeg kana! Giunsa ko ang pagtan-aw ug nakita ko ang matag-usa, ug nagapamalandong mahitungod . . . Didto sa Arizona, namalandong ako, “Kung makita ko siya sa pag-usab, akong duolon dayon diha-diha ug lamanuhon ang iyang kamot ug gakson ang iyang liog.” Ug dinhi ania ka nagalingkod dinhi, ug si kinsa, diin ko, ikaw igaka-ila? Walay akong kasayuran kong hain ang akong sugdan niini, ug hain . . . ug unsaon sa pagkuha diha niini. Apan, sa pagkatinuod, gihigugma ko kamo. Ang Dios mahigugma kaninyo, usab.

¹⁸ Karon akong gituohan, kung wala ako masayop, kung wala ako makakuha sa—sa sayop nga Kasulatan nga akong gipahimutang dinhi. Gusto ko nga basahon gikan sa 1-Mga taga Corinto, sa una nga kapitulo, magsugod sa bersiculo 18, ug usab basahon ang 2-Mga taga Corinto 12:11, aron nga makakuha kita ug usa ka teksto. Karon kung akong hikaplagnan kadto sa labing madali, ug dayon atong basahon, ug unya mag-ampo ug magsugod diha-diha, nga makigsulti kaninyo sulod sa pipila lamang ka mga gutlo sa usa ka gamay nga pagtulon-an. Diha sa Unang Mga taga Corinto, ang unang kapitulo, magsugod sa ika-18 nga bersikulo.

Kay ang pulong sa crus alang kanila nga nagakawala, binuang: apan alang kanato nga mha linuwas, mao ang gahum sa Dios.

Kay nahasulat na: Pagalaglagon ko ang maalam, ug pagawagtangon ko ang kahibalo sa mga masinabuton.

Hain na man ang maalam? Hain na abng escriba? Hain na man ang malalantugi niining panahona sa kalibutan? Wala ba pagpakabuanga sa Dios sa kalibutan?

Tugoti ako sa pagkutlo niana pag-usab? “Wala ba pagpakabunga sa Dios ang kaalam sa kalibutan?” Unsa na man diay ang kaalam niining kalibutan? Kabuangan.

...wala ba pagpakabunga sa Dios ang kaalam sa kalibutan?

Kay sa pagtan-aw nga diha sa kaalam sa dios, ang kalibutan pinaagi sa iyang kaalam wala makaila sa Dios, gikahimut-abn sa Dios ang pagluwas niadtong mga nagatoo, pinaagi sa kabuangan sa pagwali.

Mahimo nga basahon ko pag-usab kana nga bersikulo? Paminawa ug maayo.

Kay sa pagtan-aw nga diha sa kaalam sa Dios, ang kalibutan pinaagi sa iyang kaalam wala makaila sa Dios, gikahimut-an sa Dios ang pagluwas niadtong mga nagatoo, pinaagi sa kabuangan sa pagwali.

Tungod kay ang mga Judio nagapangayo ug mga ilhanan... ug ang mga Gresyanhon nagapangita ug kaalam:

Apan ang ginawali nato si Cristo nga gilansang sa cruz, nga alang sa mga Judio, kabuangan;

Apan alang sa mga tinawag mga Judio ug mga Gresyanhon usab, si Cristo mao ang gahum sa Dios ug ang kaalam sa Dios.

Kay ang kabuangan sa Dios labi pang maalam kay sa mga tawo: ug ang kaluyahon sa Dios labi pang kusganon kay sa tawo.

¹⁹ Ug diha sa Ika-duhang Mga taga Corinto Capitulo 12, sa bersikulo 11, si Pablo nagasulti.

Nagpakabuang ako; gipugos ako ninyo. Kay ako kinahanglan unta nga pagapakaayohon ninyo; kay sa bisan unsa dili ako ubos niadtong mga labing dagku nga mga apostoles, bisan ako dili unsa man.

²⁰ Mag-ampo ta. Ginoong Jesus, idugang ngadto niining gamay'ng mga pulong, niining gabhiona, nga nahipamulong na sa mga adlaw nga nangagi na, pinaagi sa bantogan nga apostol Pablo, aron kami magmalampuson pinaagi sa pagpaminaw kanila niining gabhiona, pinaagi sa pagsagop kanila dinhi sa among mga kinabuhi, aron nga mahimo kami nga—nga inumol sa Dios, nga binuhat diha sa dagway nga niini Siya nagpili

kanamo sa ingon. Tungod kay among gipangayo sa Ngalan ni Jesus. Amen.

²¹ Ako magawali karong gabhiona sa sulod sa hamubong mga gutlo, kung itugot sa Ginoo, pinaagi sa hilisgutan nga: *Ang Pagka Salikwaut*. Karon, kana maoy usa ka masalikwaut, sagapsapon nga teksto aron dawaton, apan kana maoy, sa akong paghuna-huna, maoy kasarangan lamang nga isulti kini sa kahintang nga buot ko ipadayag kini.

²² Nahibalo kamo, adunay daghan mga butang, karon, nga ang mga katawhan nahimong mga *salikwaut*, sa atong pagtawag niini. Ug kanang maong panultihon, kung adunay usa nga wala pa gayud makadungog niini, kini nagakahulogan nga ang usa ka tawo “lain,” usa ka tawo nga “lain” sa usa ka tawo. Ug sa walay duha-duha pila man nganhi kanato ang lain, sa usa ngadto sa usa.

²³ Ug, karon, nagasuroy ako sa dalan sa usa niana ka panahon sa Los Angeles, California, ug nakakita ako ug usa ka hilabihan ka talagsaon nga tawo, lain ug linihukan. Ug nagalakaw siya sa kalsada, wala mangabong, apan ingon sa nga suroy-suroy lang siya sa kahaponon. Ug miadto ako sa pikas daplin sa kalsada, aron pagtan-aw kung unsay iyang gibuhat. Ang tanan mitalikod, ug gikataw-an siya, tungod sa iyang pagkasukwahi.

Akong namatikdan nga adunay iyang usa ka sinulat nga gibitay sa iyang atubangan. Ug nakahuna-huna ako nga akong tan-awon kung unsay gipangataw-an sa mga tawo, kining salikwaut, talagsaon nga tawo. Ug busa ingon siya niana . . . Akong namatikdan siya samtang ang mga tawo nagtan-aw kaniya, ilang pangataw-an siya, ug—ug, ingon nga adunay iyang pinasahi nga pahiyom, usa ka pahiyom sa pagkatagbaw. Ang ubang mga pahiyom sa mga tawo naghatag kaniya ug labing mabiay-biayon, apan ingon ug siya natagbaw kung unsay iyang gibuhat.

²⁴ Hinuon, kana maoy usa ka dakung kahimoan nga pamalandungon, kung ang tawo adunay katagbawan, ug unsay iyang gibuhat maoy husto. Bisan tuod kung siya usa ka salikwaut ngadto sa uban, kung siya natagbaw nga kung unsay iyang gibuhat maoy husto, busa pasagdi siya diha niana.

Ug samtang nagpaduol ko niadtong gamay nga tawo, Akong namatikdan diha . . . sa iyang daghan, diha sa usa ka plaka o usa ka papan, adunay nahisulat, “Ako usa ka buang,” ug didto sa ubos, nag-ingon, “alang kang Cristo.” Ako usa ka buang,” sa dagko kaayo ug didto sa ubos, nag-ingon, “alang kang kristo.” Ug ang tanan nangatawa niini.

²⁵ Ug samtang ang gamay nga tawo mipaduol ngadto sa katawhan nga nanagyubit ug nagapadayon niana, miliso ako aron sa pagtan-aw kung unsa ang anaa sa iyang likod. Ug adunay dakung timaan sa pangutana diha sa iyang likod, ug

didto sa ubos, nag-ingon, “Karon alang kang kinsa ka man nabuang?”

²⁶ Ah, sa akong—akong panghuna-huna adunay iyang maayo diha, apan ingon nga siya natagbaw nga siya mahimong buang alang kang Cristo. Ug mao kana ang giingon ni Pablo nga siya nahimong ingon, ug “usa ka buang” alang kang Cristo.

²⁷ Si Igsoon Troy, sa Full Gospel Business Men, usa ka maayong higala ko, siya—siya usa ka mag-iihaw. Ug gitakboyan ug usa ka matang sa kagaw diha sa iyang kamot, tungod sa pagkamatanzero sa baboy usa niana ka panahon. Ang uban nga mga tawo nga nasayud, o mga babaye, tingalig nahibalo kung unsa ang maong kagaw; apan kini—kini magoot-ot kanimo. Busa, aron nga maluwas ang iyang kinabuhi, ilang nga- ilang putlon ang tulo ka mga tudlo. Ug duha na lang ka buok ang iyang mga tudlo sa usa ka kamot, apan bisan pa niana nagpabilin siya nga mag-iihaw.

²⁸ Ug adunay usa ka gamay nga German nga nagapamuo uban kaniya diha sa usa—usa ka ihawanan, didto sa Los Angeles, busa iyang—iyang gipadayon ang pag-agak niining gamay nga Dutch nga tawo ngadto kang Cristo. Ug siya miingon nga siya usa ka “Lut’eran,” ug maayo na kini alang kaniya. Natagbaw na siya nga siya usa na ka Cristohanon, tungod kay siya sakop sa “Lut’eran” nga iglesia, maingon nga iyang gipamulong kini. Busa usa niana ka gabii si Igsoon Troy makahigayon sa pagdala kaniya ngadto sa simbahan.

²⁹ Ang iyang ngalan mao si Henry. Ug ang Henry sa German, mao ang “Heinrich,” ug busa ilang gitawag siya nga “Heini.” Inyong nadungog kanang maong panultihon. Matud niya, “Heini, unsa kaha kung mouban ka kanako sa simbahan karon gabii?”

³⁰ “Ah,” matud niya, “Ako nagatoo nga makaadto ko.” Busa miadto siya sa karaan nga pamaagi sa tigum diin anaay ilang tigum sa mga pag-ampo, ug sa labing tinuod iyang nadawat ang hugot nga pagtoo, ug iyang gihatag ang iyang kasing-kasing ngadto kang Cristo.

Oh, sa pagkasunod nga adlaw, kining gamay nga Dutchman nagakalipay sa iyang kaugalingon. Matag karon ug unya siya molakaw lang diha sa gambalay, uban sa iyang pinataas nga kamot diha sa kahanginan, nga magaingon, “Ang pagdayeg maiya sa Dios! Salamat Kanimo, Ginoong Jesus!” ug iyang nakuha ang pagtagad sa tanan, silang tanan.

³¹ Nakita ninyo, siya nahimong salikwaut sa tanan nga laray sa mga mag-iihaw. Ug maga-atado siya ug karne, ug magasugod siya sa pagpamalandong mahitungod sa Ginoo, ug unya mosugod siya sa paghilak. Iyang gibutang ang kutsilyo, ug milakaw dihi’g didto sa mga alagianan, dili ingon nga ginerbyos, apan nagpakita lamang ug gugma ngadto kang Cristo, nga mag-ingon, “Oh,

gihigugma ko gayud ikaw ‘Yesus!’” Nahibalo ba kamo, naglakaw na lamang ngadto nganhi.

³² Ug ang agalon nahibot ug nakita siya nga nagabuhat sa ingon, ug samtang siya nagalakaw, nga nagahilak. Ug, ang alagon, wala niya himatikdi ang alagon; siya nagahuna-huna mahitungod kang Jesus. Ug misugod siya sa pagluhod, uban sa iyang mga kamot nga pinataas diha sa kahanginan, ug ang mga luha midagayday diha sa iyang mga aping, ug naga-ingon, “O Dios, gihigugma ko gayud Ikaw!”

Ug ang agalon miingon, “Heini, unsay ania sa kalibutan nga nahitabo kanimo?” Matud niya, “Ang matag usa dinhi sa—dinhi sa tibuok nga laray naga hisgot mahitungod niini. Unsa man ang ania sa kalibutan nga nahitabo kanimo, Heini?”

³³ Ang gamay nga Dutchman miingon, “Oh, agalon!” Matud niya, “Himaya sa Dios, tungod kay naluwas na ako!”

Matud niya, “Nakadawat ka ug unsa?”

Matud niya, “Mikuyog ako kang Igsoon Troy dinhi sa usa ka gamay nga misyon, ug ako—akong naangkon ang kaluwasan. Ug si Jesus misulod sa akong kasing-kasing, ug ako napuno na sa gugma!”

Matud niya, “Kinahanglan nga moadto ka ngadto sa pundok sa mga buang-buang.”

³⁴ Matud niya, “Tinuod!” matud pa, “Himaya sa Dios!” Matud pa, “Salamat sa Dios sa mga buang-buang!” Matud niya, “Nahibalo ba ikaw, pagkuha ug usa ka awtomobil nga nagasingabot sa dalan, ug kuhaa ang tanan nga mga tornilyo gikan niini, ug wala kanay mahibilin pa kondili ang usa ka pundok sa “biya!”

³⁵ Ah, wala ako mahibalo apan kung unsay iya niining gamay nga Dutchman ingon ug tinuod. Kuha-on ang tanang turnilyo? Ang turnilyo mao kana ang nagahawid niini aron sa paghiusa. Ug sa akong hunahuna mao kana ang naghawid sa iglesia tanan usahay, nagahawid sa civilisasyon tanan.

³⁶ Karon, gikan sa pagbisita sa Prescott, mga pipila lamang ka mga adlaw kadto, sa nagatan-aw ako sa kamingawan ug nagapaniid kung giunsa nga gikan sa Phoenix sila adunay mga Tanaman sa Hapon, ug sila adunay mga bulak didto, mga matahum nga bulak. Diin nga sa gamay pa ako didto, nagabantay ako ug mga baka didto sa maong dapit. Ang mga baka, walay mga sagbot, busa nabuhi na lamang sila sa mga suro-suro ug sa uban pa.

³⁷ Ug unya akong namatikdan nga dihay usa—usa ka pagpamuhat alang sa kagamitan sa maong kamingawan. Ug didto sa kamingawan atong hingkaplagan, ang mga suro-suro ug ang mga bulak. Ug didto sa akong balay, o sa balay nga among giabangan; si Igsoon nga babayeng Larson, nagtoo ako nga ania

siya karon niining buntaga, nakita ko siya. Ug adunay iyang mga tagoran sa bulak sa gawas sa—sa balay; ang uban yuta. Ang tanan atua didto mga balas, busa adunay iyang mga yuta sa sulod sa dako nga tagoran sa bulak sa matag kilid sa duha ka banay. Ug sa matag buntag kinahanglan nga mogawas ako ug bisibisan kadtong mga bulak. Kay kon dili ko sila bisibisan, mamatay silang tanan. Ug silang . . . Ug unya, usab, mokuha ako ug igpapasirit ug pasiritan sila, aron nga mohawa ang mga mananap gikan kanila; ang mga tughok mokaon kanila.

³⁸ Ug pagkatapos moadto ka ug layo-layo lang niana, mga katloan ka mga tiil gikan niana, adunay daghan mga bulak nga naga panurok, ug gikan sa kamingawan sila nagapanurok. Ug mahimo mo ang pagkub-kob mga kawhaan ka mga tiil ang kalalum ug kini mahimo nga sama sa usa ka baril nga pulbos; walay lain dinhi sa kalibutan kondili abog lamang, ug wala nay tubig tanan. Ug kinsa man ang magbisibis kanila? Tan-awa?

Kung kini sila nga anaa sa tagoran sa bulak, kung mapakyas ka sa pagbisibis kanila ug sa pagpatubig kanila, ang mga anay ug mga tughok, mga tuma, mokaon kanila. Apan ang mga tuma dili gayud makahikap niana nga atua sa gawas sa kamingawan, ug nga dili kinahanglan nga atimanon ug pagabisibisan sa matag adlaw; siya maoy usa ka binuhat sa magbubuhat. Kini maoy usa ka kalibugan nga gama pag-usab.

³⁹ Ug sa akong huna-huna karon, ang hinungdan nga ang PagkaCristohanon nahimo, alang sa katawhan nga, usa ka buang; kana tungod kay adunay atong nagakadaiya nga mga ginama-gama ug dili ang tinuod nga mga Cristohanon, usa ka pundok nga kinahanglan nga atimanon ug bisibisan, ug aron nga mopabilin sa simbahan.

⁴⁰ Akong mapamalandong ang unang Iglesia, kung unsa sila, ug itandi kini uban sa mga ginama-gama karon. Kini maoy nahimo'g barato nga gama kung unsa ang matuod nga unang Iglesia kanhi, kadtong mga maisog nga magtotoo diha sa Dios, uban sa Espiritu Santo. Dili kinahanglan nga atimanon mo sila. Dili kinahanglan nga imong pik-pikon sila ug sultihan sila nga inyong kuhaon *kining* usa; ug kon kapuyon kanang usa, moadto sila sa laing usa; ug himuon ninyo sila nga diyakono kon moanhi sila dinhi ug mobiya sa laing usa. Mao kana ang kalibugan nga gama pag-usab.

⁴¹ Namalandong ko sa kang Michaelangelo nga orihinal nga dibuho, Ako nagatoo sa “Ang Katapusan Panihapon.” Ako nagatoo nga iyang dibuho kini. Inyo bang naila kung unsa kadtong original nga hulagway ang kabililhon kanimo? Kini nahimo nga dili maihap nga linibo ka mga dollares, dili gayud makahimo niadtong original, tungod kay kini walay ikatandi nga presyo. Kini bililhon ra kaayo! Apan mahimo kang mopalit

ug usa ka barato nga ginama gikan niini sa mga duha lamang ka dollar.

⁴² Mao kana ang hinungdan nga ang mga tawo karon dili makasabot sa walay galam nga tinuod, tionay nga magtotoo. Sila nangahimong isa ka tornilyo. Nahibalo ba kamo, nga ang kalibutan nga anaa sa pagkadugta hangtud sa matag karon ug unya nagakinahanglan ka ug usa ka tornilyo aron sa pagtul-id niini. Nagakinahanglan ug usa ka tawo nga mogula sa eskina nga adunay gamay nga kalainan, ug siya usa ka tornilyo alang nianang maong kaliwatan. Namalandong ako sa miaging adlaw kung kinsay makahimo?

Kinsa man karon ang dili tornilyo? Ikaw tornilyo sa lain tawo. Ako nagatuo nga ang kalibutan anaa na gayud sa hingpit nga pagkabuang. Inyo bang nahibaloan nga kini mao na ang panahon nga ang katawhan dili na mahibalo sa paghukom tali sa husto ug sayop, o sa tinuod ug bakak?

⁴³ Nahibalo ba kamo nga ang mga politiko dili makahimo sa paghukom kung unsay husto ug sayop? Makita mo sila nga wala magpakabana diha sa piniliay nga ang Biblia ipabalik diha sa iglesia o diha sa . . . ang Biblia ibalik ngadto sa tulonghaan? Wala sila masayud kung unsang dalana ang padparan, sa politiko. Huna-hunaa kini! Wala ako mahibalo kung unsa na kini sa Indiana karon, apan sa nasud sa Arizona supak kini sa balaod ang pagbasa sa Biblia sa tulonghaan. Sa akong pagsabot nga kini managsama ra nga kahimtang sa Indiana, hapit na ang tibuok nga Hiniusang Kanasuran, tungod kay ang uban nga dili matinuohong babaye maoy nag usab sa tibuok nga programa. Ug, hinomdumi, kana supak sa balaod nga magbasa sa Biblia sa nga tulonghaang publiko, apan ang mga buhis sa mga magtotoo nagatabang sa pagkawalay pagtuo nga ika tudlo sa tulonghaan.

⁴⁴ Mga politiko. Nagakinahanglan kita ug laing Abraham Lincoln. Nagkinahanglan kita ug laing Patrick Henry. Nagkinahanglan kita ug usa ka Americano nga makahimo sa pagbarog bisa'g asa pa ang mga politiko, ug magatawag sa husto nga “husto,” ug sa sayop, nga “sayop.”

⁴⁵ Nahibalo ba kamo nga ang mga magwawali karon dili makahimo sa paghukom kung unsay husto, ang Pulong ba sa Dios o ang simbahan nga denominasyon? Wala sila mahibalo kung haing dalana ang subayon. Dili sila makahimo sa paghukom tali sa husto ug sayop. “Nahibalo ako nga ang Biblia nag-ingon niini, apan ang among simbahan nag-ingon . . .” Tan-awa, ang katawhan dili na makahimo sa paghukom sa husto ug sayop. Ug ang bisan unsang butang nga supak sa Biblia kana sayop. Ang Pulong ra sa Dios maoy husto, ug ang tanan nga pulong sa tawo bakak, kana kasupak diha Niana. Ug ang pagsulay sa pagbarog karon diha sa usa—usa—usa ka panahon

nga sama niana, ug ang pagbarog kung unsay husto, ikaw mahimo nga usa ka tornilyo.

Atong hinganlan ang pipila ka mga tawo.

⁴⁶ Akong mapamalandong ang profeta nga si Noe, niadtong dakong adlaw nga diin siya nagpuyo niini. Kadtong inilang siyentipikong panahon nga sila nagahimo ug piramid ug mga estatuwa, diin ilang mapamatud-an nga walay tubig didto sa kalangitan, pinaagi sa siyentipikong pagsusi. Ania karon kining tigulang nga tawo nga tua didto, ug miingon, “Adunay umaabot nga ulan nga gikan sa mga kalangitan.” Si Noe usa ka tornilyo alang niadtong maong kaliwatan. Nahimo siya nga usa ka buang-buang.

⁴⁷ Atong pamalandungan si Moises. Si Moises, sa dihang miadto siya kang Faraon, maingon sa atong gihistogan niining buntaga, ug si Moises miadto nagdo kang Faraon, nga nag- ingon,” Ang Ginoo nagpadala kanako dinhi aron sa pagpahigawas kanila nga mga naulipon,” uban sa usa ka sungkod sa iyang kamot, batok sa mga kasundalohan nga maoy mibihag sa tibuok na kalibutan. Si Faraon, diha sa tanan niyang siyentipikong kaalam, nagdahum kang Moises nga usa ka kulang-kulang. Ug, siya usa ka kulang-kulang alang kanila.

⁴⁸ Akong mapamalandong si profeta Elias, sa iyang dakung panahon, sa kahibulongang panahon sa mga urog; sa dihang si Achab ug si Jezebel maoy nagmando sa kalibutan, maingon sa kanhi, diha sa ilang mga adlaw; ug ang tanan kababayenan sa sama nga sama kaniyang pamisti, ug ang iyang mga pagpamintal, ug nagapadayon, ang iyang mga uso, ang paagi nga gimuda niya ang iyang kaugalingon. Ug sa dihang ang usa ka tigulang nga saputon, sama kang Elias, mitungha sa eksina ug mibarog sa tibuok nasud; alang kang Achab, siya usa ka kulang-kulang. Husto kana.

⁴⁹ Si Amos, nga profeta, sa iyang pag-adto sa Samaria sa adlaw nga ang Samaria nahimong sama na sa Hollywood karon, ang kababayen-an sa kadalanan, nanag sul-ob, ug bisan pa sa dayag nga pagpanapaw, kung giunsa nila ang pagpadayon niana ug magpuyo diha niana, gitugotan ang tawo . . .

⁵⁰ Kini maingon na sa usa ka dayag nga pagpanapaw, karon diha sa inyong atubangan. Miadto ako sa usa ka dapit sa miaging gabii, aron nga mokuha ug makaon, ug ang mga batan-on nga lalaki ug babaye didto nagginaksanay ug naghagkanay ay maingon sa wala ako masayud kung unsa.

Ug nahibalo ba kamo, akong batan-ong nga igsoong babaye, nga kana nagapadulong na sa usa ka pagpanapaw? Sa dihang mohalok kanimo ang lalaki, siya nagapaingon na sa pagpakasala ug panapaw kanimo. Dili gayud angay nga tugotan ang lalaki sa paghalok kanimo hangtud nga maminyo kamo, tungod kay ang mga laway, tali sa lalaki ug sa babaye ang glandula anaa

sa mga ngabil. Nakasabot ba kamo? Ug kung ang laway sa lalaki ug sa babaye nagkaabot, tugoti kini kung unsay nahitabo, nagapadulong kamo sa pagpakasala ug panapaw. Ug ayaw'g itugot ang lalaki nga mohalok kanimo hangtud nga kanang belo mapakli gikan sa imong nawong ug ikaw asawa na niya. Ayaw'g buhata kana! Kini maoy pagpakasala sa pagpanapaw. Kini maoy panagsagol sa laway sa lalaki ug babaye.

⁵¹ Nganong dili man mohalok ang lalaki sa lalaki, ang babaye mohalok sa usa ka babaye, diha sa mga ngabil? Tungod kay kini dili notapon sa glandula. Ang mga bata matawo pinaagi sa panagkasagol sa mga glandula.

Busa kini maoy usa ka pagpanapaw na usab nga anaa sa dayag, bisa'g asa. Tan-awa diha sa salida sa pilikula ug tanan nga imong makita, usa—usa nanagpalawayay sa mga ngabil ug usa—usa ka makanayon. Dili ikatingala nga ang imoralidad sa sa-anaa na sa pagtakilid! Unsaon man nila sa pagbuhat niini, ug sa pagsimilya nila sa ilang kaugalingon tanan pinaagi sa paghalok sa babaye diha sa baba, sa nasayran nga kana maoy usa ka pagpanapaw! Ang Dios dili mopasaylo niini gawas kung maghinulsol ka.

⁵² Ug karon, sa pagtungha, niining bantogan nga profeta, nga si Amos. Siya nailhan nga usa sa ubos nga profeta tungod kay walay daghan nga nahisulat kaniya, apan adunay iyang Pulong sa Ginoo. Ug gitan-aw niya kadtong siyudara, tanan gihatag. . . Diha sa mga parke, ang lalake naglingkod uban sa mga bukton nga inagbay sa babaye, ug ang mga babaye uban sa ilang mga bukton nga inagbay sa lalaki, maingon sa usa ka modernong Hollywood! Ug, unya milakaw siya ngadto sa siyudad, ug miingon, “Maghinulsol kamo o magpakalaglag!” Siya usa ka buang-buang. Ingon sa iya nang ipadayag ang iyang kaugalingon nga buang, ngadto kanila.

⁵³ Si Juan Bautista, sa iyang pagtungha sa eksina. Alang sa mga relehiyosong denominasyon niadtong adlaw, siya usa ka buang-buang. Siya adunay kahigayonan mga mahimong usa ka pari, aron sa pagsunod sa mga lakang sa iyang amahan. Apan nagdumili siya sa pagbuhat niini, tungod kay ang Dios maoy nagpahilayo kaniya pagawas sa maong mga kredo ug denominasyon, tungod kay ang iyang bulohaton labi pang mahinungdanon. Siya maoy magpahibalo sa umaabot nga Mesiyas. Ug walay kalabotan sa mga Fariseo, Saduceo, o bisan unsa pa kadto, iyang gisalikway ang tibuok pundok nila, ug miingon, “Ayaw kamo pagsugod sa pag-ingon, ‘Anaa kanamo si Abaraham nga among amahan,’ tungod kay ako magaingon nga ang Dios makahimo niining mga bato sa pagpabarog ug mga anak alang kang Abraham.” Ngadto sa—ngadto sa mga relehiyosong pundok sa iyang mga adlaw, siya usa ka buang-buang. Husto.

⁵⁴ Sa pag-abot ni Jesus sa eksina. Ngadto sa mga relihiyosong tawo sa Iyang mga adlaw. Siya usab usa ka buang-buang. Tungod kay, sila miingon man, “Ikaw usa ka Samaritahanon. Ikaw nawad-an sa maayo Mong pangisip. Ikaw usa ka tawong kulang-kulang,” sa lain nga pagkasulti, “usa ka tawong buang.” Siya ingon niana, alang sa mga katawhan, imong Ginoo ug Manluluwas.

Dili ikahibulong, nga si Pablo, nga binansay pinaagi kang Gamaliel aron mahimong usa ka pari, ang kahigayon sa uban nga mahimong usa ka labaw’ng sacerdote. Ug sa iyang dalan padulong sa Damascus, siya naigo sa usa ka katingalahang Kahayag. Ug siya mihangad, ingon nga usa ka Judio, ug nahibalo nga kadtong Haligi nga Kalayo mao kadtong naga-una sa iyang katawhan. Siya miingon, “Ginoo, Kinsa ka man?”

Ug siya miingon, “Ako mao si Jesus.”

⁵⁵ Ug sa dihang wala na ang iyang edukasyon, iyang giwala ang tanan niyang teolohiya nga iyang hingkat-onan sa tulonghaan, ug nahimo na lamang nga usa ka yano, magwawali sa kadalanan, siya usa ka buang-buang. Siya miingon, “Ako nahimong usa ka buang.”

⁵⁶ Ug ang katawhan nagatoo nga siya usa ka buang, nawad-an sa maayong pangisip. Iyang giingnan si Festus, “Dili ako buang.” Nahibalo lang ako sa Ginoo. Apan ang pagkasayud sa Ginoo sa relehiyosong pundok . . .

Manghinaut ako nga dili kamo mosipyat niini. Ang pagkahibalo kang Jesus, niining adlaw, taliwala sa relehiyosong pundok, kamo mga buang-buang. Kini wala mausab. Mahimo nga magpabilin ako ug dugay dinhi niini, apan gusto ko—ko nga magdali alang sa mga pag-pangampo sa mga linya.

⁵⁷ Si Martin Luther, kadtong gamay nga German nga pari, nga nagpaluwat sa pangalawat usa niana ka adlaw, iyang gipanglabay kini ngadto sa tugkaran, ug miingon, “Kini dili mao ang lawas ni JesuCristo. Kini maoy tinapay lamang nga binuhat lamang didto sa luyo.” Ug iyang gipadayag, nga, “Ang matarung mabuhi pinaagi sa pagtoo.” Siya usa ka buang, alang sa iglesia Katoliko. Mahimo nga ilang ipapatay siya tungod, apan kay, siya usa ka buang, ug gipasagdan na lamang nila siya. Apan, siya mahimong usa ka buang, alang niadtong kaliwatana.

⁵⁸ Si John Wesley, sa mga adlaw sa dakung pagkahugno sa moralidad sa England. Sa diha nga, kung ang Wesleyan nga kadasig wala pa motungha diha sa eksina . . . Ang tibuok kalibutan nadugta gayud, ang kalaw-ayan mikatap. Ug ang Angelican nga iglesia nga nagakalayo na kaayo hangtud nga wala nay pagkapukaw; maingon sa panghuna-huna sa mga Calvinista! Ug si John Wesley miabot diha sa eksina, uban sa

uban sa pulong sa pagkabalaan, nagapanghinlo sa mga kalaw-ayan. Siya mahimong usa ka buang-buang.

⁵⁹ Kutlo-on ko si Mr. Wesley, usa ka higayon diha sa iyang libro. Siya mitungha sa usa ka dalan, usa ka tawo sa iglesia sa England. . . Silang tanan nanagtoo nga siya buang, busa mitindog siya diha sa agianan. Si Mr. Wesley usa ka mubo ug gamay nga tawo. Kining bantugang dakung tawo nagtoo nga iyang matamparos siya, busa mitindog siya sa agianan. Mr. Wesley milakaw ug miingon, “Pasayloa ako, sir, mahimo ba nga mohilayo ka sa dalan? Kay nagdali ako.”

Ug ang Angelican miingon kaniya, “Dili ako mopahawa sa dalan tungod lang sa usa ka buang.”

⁶⁰ Sa tuman nga pagkamatinahuron gipik-pik ni Mr. Wesley ang iyang kalo, ug milakaw libot kaniya; ug miingon, “Kanunay’ng buhaton ko.” Busa, nakita ninyo, mao kana ang usa nga buang-buang; ang usa alang kang Cristo; ug lain pang-usa alang sa iglesia.

Busa, ikaw iya pa sa gihapon sa nagbuang kanimo.

⁶¹ Sa pagtungha sa Pentekostal diha sa eksena, kalim-an na ka tuig ang nangagi. Sila miingon, “Silang mga tawhana mga buang!” Sila mga buang-buang, husto kana, tungod kay ilang gihukman ang tanan nga mga pagkadautan nga diha sa kapanahonan sa iglesia niadtong panahon sa ilang pagtungha sa eksena.

Apan unsa man ang gibuhat sa mga Pentekostal? Mibalik diha-diha ngadto sa suka nga ilang gibiyaan, mibalik diha-diha ngadto sa pagkadunot sa denominasyon. Nahibalo ba kamo kung unsa? Kini mao na ang panahon sa laing buang-buang. Oo. Panahon na kini alang sa laing usa. Husto kana.

⁶² Hibalo-i, usa ka buang—buang, sa wala pay usa ka tornilyo, anaa nay usa ka tarugo aron pahauman kanang maong tornilyo. Ug kanang maong turnilyo adunay traha nga alang nianang tarugo; kung kini dili, dayon, kini dili magkasibo. Hibalo-i. Ang tanan nga natrahaan, sa mga adlaw ni—ni Noe, gitrahaan alang sa mensahe sa Maayong Balita; si Noe, ang buang—buang, mibira kanila sa pagsulod sa arka. Kini naga-agad kung unsay imong traha, alang kang kinsa ikaw na trahaan. Kung ikaw natrahaan alang sa kalibutan, sunod niana, birahon ka nila. Kung ikaw natrahaan sa Pulong, Kini maoy mobira kanimo. Kini nagaagad kung hain ikaw mahitraha, unsang tornilyoha ang imong sundon.

⁶³ Apan si Noe, ingon nga usa ka tornilyo uban sa Pulong sa Dios, usa ka turnilyo alang sa siyentipikong panahon ug sa relihiyosong panahon nga iyang gipuy-an, iyang gibira sila, nga pagaluwason, ngadto sa arka. Amen. Kadtung mga ginahin na nga daan, ang tarugo nga nabuhath na sa wala pa ang

tornilyo. Ang tarugo kinahanglan nga matrahaan alang sa maong tornilyo.

⁶⁴ Busa, si Satanas, siya adunay mga tarugo ug turnilyo, usab, mga tarugo ug mga turnilyo sa gingharian sa kalibutan.

Si Faraon hilabihan ang pagkaturnilyo alang kang Noe, o alang kang Moises, samtang si Moises alang kang Faraon. Si Faraon, uban sa tanan niyang siyentipikong pasundayag, maoy mibira sa iyang nasud diha kaniya. Si Noe, pinaagi sa iyang pagkaturnilyo alang sa Dios, iyang gibira ang iglesia ngadto sa yuta sa saad. Naga-agad lamang kung sa unsang paagi ikaw mahitraha. Iyang gibitad ang iglesia pagpagawas gikan sa Ehipto; maingon nga gibitad ni Noe ang iglesia gikan sa kalibutan, ngadto sa arka. Gibira ni Moises ang iglesia gikan sa Ehipto, ngadto sa yuta sa saad sa Dios.

⁶⁵ Si Jesus miingon. Karon, pag-amping, tungod kay kining mga turnilyoha ug mga tarugo sa panaghiusa parihas rang tanawon. Bantayi lamang ang traha. Mateo 24:24, Siya miingon “Kini kon mahimo malimbongan ang Pinili.”

Karon, ang—ang America ug ang tibuok nga kalibutan sa denominasyon nagakinahanglan ug usa ka turnilyo.

⁶⁶ Ang Methodista, ang Baptist, ang Presyterian, silang tanan nagakatibulaag dinhi *niini, nga*, ang tanan nanag-away. Ug, pagkatapos niining tanan, sila puro nahitraha sa mao ra nga tarugo. Busa gihatagan sila sa Dios ug usa ka tarugo, ug gipadalhan sila ug usa ka turnilyo, ang Konseho sa mga Iglesya sa Kalibutan. Mao kana ang nagbira kanila sa pagka-hiusa. Husto kana. Mao kana ang matuod. Mao kana ang nagbira sa pagka-hiusa, kanila sa pagka-isa, ang Konseho sa Kalibutan.

⁶⁷ Nahibalo ba kamo, kini nahimo, dinhi dili pa lamang dugay. . . Diha dili mahimo nga walay mahitabo, ang usa ka katuyo-an kung walay hinungdan. Ang mga babaye gusto nilang hubuon ang ilang mga sinina. Gusto sila nga magsul-ob ug purol. Sila gusto nga sa gihapon magpabilin ra sa iglesia. Gusto sila nga mosul-ob sa tanan nga mga ‘kinis’ o bisan unsay inyong tawag sa mga butang. Sila gusto nga mobuhat niana, ug sa gihapon buot magpabilin sa iglesya; buot silang mosinggit ug tiyabaw, ug mosayaw; mosimba, kana maoy usa ka pagsimba.

⁶⁸ Karon, kung may panahon pa ako, akong pamatud-an kana kaninyo. Kana maoy usa ka pagsimba sa yawa, nga magasayaw ug ingon niana ug magabuhat nianang mga butanga. Akong mapamatud-an kana kaninyo didto sa langyaw nga nasud. Gusto sila nga mosimba, ug ilang ipadayon ang ilang mga testimonyo ug sa gihapon magpabilin sa simbahan. Busa ang Dios naghatag kanila ug usa ka tornilyo, duha o tulo kanila; usa ka ngalan Elvis Presley; usa, Pat Boone, ug si Ernie Ford; makahimo sa pag-awit ug alawiton ug bisan unsang butanga, ug sa gihapon

moangkon nga usa ka Cristohanon. Kini usa ka tornilyo. Kini wala mahitraha sa Pulong. Husto.

Karon, matud ko nga mahimo nga mulahos ako sa sulod tunga sa oras, ug kini kapin na.

⁶⁹ Apan, paminaw, ang kalibutan gusto ug usa ka tornilyo. Ang yawa nakakita nga nakuha na nila kini. Sila nahitraha na alang niana.

Apan, samtang ang kalibutan nahitraha na alang sa usa ka tornilyo, adunay mga katawhan nga gitawag nga Pangasaw-onon. Kini nahitraha, na usab. Maingon nga ako siguro samtang ako nagtindog dinhi, ang Dios magpadala kanila ug usa ka tornilyo nga maoy mobira sa Pangasaw-onon gikan niining maong kaguliyang, ngadto sa Atubangan sa Dios. Kini mahimong usa ka nahitraha sa Pulong nga turnilyo.

⁷⁰ Usa ka hinawayon, sa miaging mga adlaw, miingon kanako, didto sa Tucson. Siya miingon, “Nahibalo ka, ang kadaghanan sa mga tawo nag-isip kanimo nga buang—buang, ug ang uban gihimo kang usa ka dios.”

Matud ko, “Ah, kanang matanga sa mga palakaw husto.” Nasayud ako nga siya misulay sa pagtamay kanako. Tan-awa?

⁷¹ Siya miingon, “Ang katawhan nagahunahuna kanimo nga ikaw dios.”

⁷² Matud ko, “Ah, halos. . .” Nahibalo ako nga ang mga tawo wala magbuhat niana. Apan nasayud ako—ako nga wala siya makasabot niani, tungod kay siya atua sa laing dapit nga panit, nakita mo. Busa nasayud ako nga wala siya, wala kini niya mahibalo-i. Busa miingon ako. “Kana dili ra halayo kaayo gikan sa Pulong sa Dios. Mao ba?”

Tan-awa, pasagdi lamang siya-pasagdi lamang siya nga mahibalo nga kita wala mawala. Nahibalo kita kung hain kita magabarog. Nahibalo kung unsang matanga sa layag ang atong gibutang, kung unsa nga hangin ang nagahuyop niini. Nahibalo kita kung unsa ang atong traha, ug kung unsa ang atong turnilyo. Ug nahibalo kita kung giunsa ta sa pagtindog.

Matud ko, “Kana dili kasupak sa Pulong sa Dios, labaw pa. Mao ba kini?” Matud ko, “Hinumdumi, sa dihang nagpadala ang Dios kang Moises ngadto sa mga anak sa Israel, gihimo sa Dios si Moises nga usa ka dios, husto kana; ug gibuhat, usab si Aaron nga iyang igsoon, nga usa ka profeta. Husto kana. ‘Ang tanan nga mga profeta,’ si Jesus nag-ingon, ‘mga dios.’ Sila mga dios; tawo.” Husto kana. Ang Dios maoy nagpasabot niini sa ingon.

⁷³ Paminaw, ang Pulong nga atong giwali ug ang pulong nga akong giingon niining buntaga, “Ang Dios nagtago sa luyo sa mga panit, mga panit sa mananap, ang Dios nagtago sa luyo sa panit sa usa ka tawo.” Tan-awa? Mao kana ang Iyang gibuhat. Sa Dihang nagpadayag ang Dios dinhi sa kalibutan, Siya nagtago sa

luyo sa usa ka belo, sa luyo sa panit sa usa ka Tawo nga gitawag ug Jesus. Siya nagtabon ug nagtago sa luyo sa usa ka tawo nga ginganlan ug Moises, ug sila mga dios; apan dili mga Dios, apan dili mga Dios, apan sila mga Dios, ang usa ka Dios igo lamang nag-ilis sa Iyang maskara, nga nagabuhat sa samang butang sa matag panahon, nga nagapadala niining maong Pulong. Tan-awa, ang Dios nagbuhat sa ingon niana nga paagi. Nahibalo siya nga ang tawo makakita ug mga butang; diha sa matag usa kanato nga natawo dinhi niining kalibutan.

⁷⁴ Sama sa akong gisugilon kaninyo niining buntaga, nga walay bisan usa nga nangahas sa pagkuyog kang Moises didto. Ang Dios dili gayud makigsabot uban sa duha. Siya makigsabot sa usa, kanunay. Walay bisan usa nga nangako sa pagsumay-sumay kang Moises. Kadto maoy kamatayon, tionay nga kamatayon, ang pagsulay sa pagsumay-sumay kaniya, sa pag-adto diha sa Haligi nga Kalayo uban kaniya. Busa ang katawhan dili tanan gibuhat. . . Wala ka matawo diha nianang paagiha, aron sa pagpikas-pikas nianang labaw sa kina-iyahan.

Apan ang Dios nagpahiluna sa uban dinhi sa yuta aron sa pagtindog alang Kaniya, ingon nga tinugyanan nga gikan Kaniya. Ug kanang maong tinugyanan gigahin na, sa Dios, aron sa pag-adto didto sa dako nga wala mahibalo-i nga labaw sa kina-iyahan, ug makaila, ug ipadayag ang mga butang nga ang ordenaryong huna-huna dili makasabot niini. Kini magapadayag sa mga butang sa Dios, motagna sa mga butang nga mao ang, ug mga butang nga nagakahitabo na, ug mga butang nga umaabot. Unsa man kini? Ang Dios, ang Dios nga diha sa luyo sa mga panit, panit sa tawo. Husto kaayo.

⁷⁵ Si Sam Connelly nga nagpuyo sa Tucson. Siya nakaanhi ka usa, niadtong milabay nga mga katuigan, kauban ni Mr. Kidd, ug naayo siya; uban sa nagpabilin nga ulcer sulod sa daghan nga mga katuigan. Sa akong paghiadto sa miaging tingtagak, si Sam adunay usa—usa ka bato nga ang espesyalista didto, sa—sa Tucson, nagsusi kaniya didto. Dako na kadto sama sa holin. Si Igsoon Sam Conneley. . .Daghan kaninyo dinhi ang nakaila kaniya; taga Ohio siya. Ug siya miadto sa doctor, ug ang doctor miingon, “Sam, andama ang imong kaugalingon sa sunod nga semana; kay akong kuhaon kanang bato,” duha ka adlaw gikan niadto.

Siya miingon, “Makalingkawas ba ako sa bato, doctor?” Matud sa doctor, “Dili gayud mahimo. Ang bato dako na kaayo.”

⁷⁶ Busa iyang gipasakay siya sa sakyanan ug gihatud siya sa ilang balay. Ug nanawag siya; matud niya, “Gusto ko nga moari ka ug ampo-an ko, Igsoon Branham.” Nganong gitawag niya ako sa ingon? Ug nagasugod ako sa pag-ampo alang kaniya.

⁷⁷ Matud ko, “Sam, kini mao ang MAO KINI ANG GIINGON SA GINOO, ang bato mawala ra sa iyang kaugalingon.”

78 Ug sa pagkasunod nga buntag iyang gidala ang bato ngadto sa doctor. Ug miingon siya, ang doctor nag-ingon, “Mr. Connelly, wala ako makasabot kung unsang pagka hitaboa kini.”

79 Ug siya miingon, “Ako usa ka magtotoo sa Dios, ug gikuha sa Dios ang bato tungod kanako, gihuka kini gikan kanako.” Ang tawo maglisod gayud sa pagtoo niini, ang doctor. Labi nang dili siya nakatoo niadtong dakung tumor nga diha sa kilid sa akong asawa nga nawala. Nahibalo na kamo sa nahitabo, tan-awa. Busa miingon siya . . .

80 Mga unom ka bulan ang milabay, nga mga hapit sa tulo . . . hapit mga duha ka semana ang milabay, o mga tulo ka semana ang milabay, si Sam Connelly giataki sa usa ka talandugon nga kahintang sa kasing-kasing. Ug wala ako mahibalo sa ngalan, ang alagianan sa dugo, o laing matang sa sakit sa kasing-kasing, o bisan kung unsa kini. Hilabihan kini ka kuyaw . . . Dili kini . . . Dili ka makalingkawas gikan niini, maoy ilang giingon. Usa ka ataki sa kasing-kasing, ug ang iyang kasing-kasing naalihan. Ug ang mga bahin sa iyang lawas mihubag hangtud nga ang ilang mga tuhod nangdagku pa kay sa iyang bitiis, paitaas libot sa iyang hawak. Busa ilang gipadala siya ngadto sa doctor. Ang doctor miingon, “Dalha siya sa balay nga malinawon, o kaha sa hospital.”

Si Sam miingon, “Dili ako gusto nga moadto sa hospital!”

Matud sa doctor “Dalha siya sa balay ug ibutang siya sa lantay, ug ayaw palihoka ang ulo, kamot o ang tiil, sulod sa unom ka bulan.” Matud pa, mahimo ka nga mamatay bisan unsang gutlo-a.”

81 Ug si Igsoon Norman nanawag. Ug nangadto kami niadtong gabhiona, aron sa pagtan-aw kang Igsoon Sam. Ug samtang nag-ampo kami kaniya, ug ang Ginoo nag-ingon.

Ug sa pagkasunod nga buntag, si Sam miadto sa opisina sa doctor uban sapiangon nga napikong tiil, nagtindog unahan sa doctor, ug miingon, Tan-awa ako doctor!”

Ug gibutang siya sa doctor sa ilalum sa cardiograma electrica, ug miingon siya, “Wala ako makasabot niini.” Matud pa, “Pauli ug balik sa trabaho.” Siya miingon, “Sa unsang iglesia ka man nasakop?”

Siya miingon, “Wala ako mahisakop sa bisan hain kanila.”

82 Matud niya, “Dili ka mahimong usa ka Cristohanon kung dili ka magpasakop kanila nga mga denominasyon. Kinahanglan nga mahimo ka gayud.” Tan-awa, kana lang ang tanan nga nahibalo-an sa doctor. Si Sam isa ka buang-buang, alang kaniya. Ug siya usa ka buang-buang alang kang Sam, pinaagi sa pagpangutana sa maong pangutana.

Unya unsa man ang nahitabo? Si Sam nahiabot, ug miingon siya, “Unsa man ang akong ikasulti ngadto ni bisan kinsa nga nag-ingon kanako sa maong mga butang, Igsoon Branham?”

⁸³ “Sultih sila nga ikaw ‘nahisakop sa usa ug bugtong Iglesia.’ Wala ka magpasakop Niini. Kini dili usa ka denominasyon. Nahimugso ka diha Niini.”

⁸⁴ Usa ka dalaga, hapit na mga unom ka bulan ang milabay, nagasandig sa dughan ni Igsoon babayeng Norman. Nahikalimot ako sa iyang ngalan, matahum kaayo nga gamay’ng babaye mga katlo-an na katuig ang panuigon. Nagbulagay sila ug ang iyang bana, ug nasakit siya ug leukemya. Ug siya anaa na sa kahimtang nga dili na siya makagawas-gawas. Ug sa katapusan kini nagakagrabi hangtud nga ang mga doctor mipahigda kaniya sa lantay. Ug ang mga doctor mobisita kaniya hangtud nga miabot ang panahon. Ilang gitugyan siya hangtud sa sunod nga Meyercules. Siya mamatay na sa Meyercules. Ug si Mrs. Norman magakuha na kaniya gikan sa higdaanan, ug gidala na siya, ug gigunitan lang siya diha sa usa ka silya. Ug samtang ang gamay’ng binuhat nagalingkod didto, nga nagkatuwang-tuwang, ug luspada na siya kaayo; nagdalag ang panit gumikan sa cancer, leukemya.

Matud ko, “Ah, makahimo ako sa pag-ampo kanimo igsoong babaye.”

Ug naningkamot siya sa pagsulti, ug ang mga luha diha sa iyang mga mata, matud niya . . .

Akong—akong giingon, “Cristohanon ka ba?”

Siya miingon, “Methodista ako.”

Matud ko, “Nangutana ako—ako kanimo kung Cristohanon ka ba.”

Ug miingon siya, “Ang imong ipasabot nga nahisakop sa Cristohanon nga simbahan?”

⁸⁵ Matud ko, “Dili ma’am. Ang gipasabot ko, kon natawo ka ba sa Espiritu sa Dios, ug nahigugma kang Ginoong Jesus?”

Matud niya, “Ah, kanunay man ako sakop sa simbahan.”

⁸⁶ Matud ko, “Kung buhi-on ka pa sa Dios, mosaad ka ba kanako nga mobalik ka kanako ug sultihan ko ikaw sa dalan sa Ginoos sa labi pang matin-aw?”

Matud niya, “Ako nagasaad sa Dios ug bisan unsang butang, kung lugwayan pa Niya ang akong kinabuhi. Akong alagaron Siya.”

⁸⁷ Diha-diha ang panan-awon miabot, nga nag-ingon, ‘MAO KINI ANG GIINGON SA GINOO. Ayaw’g pangandam; bungkaga ang imong mga butang alang sa imong kamatayon, usa ka adlaw tapus ugma.’ Lunes kadto, ug siya mamatay na sa Meyerkules. “Dili ka mamatay.”

Sa miaging Domingo, usa ka semana gikan niining maong Domingo, milingkod ako uban kaniya didto sa lawak. Nadugangan siya ug katlo-an kapin ka libras; ang doctor nag- ingon nga wala nay bisan usa ka lama sa leukemya nga makaplagan bisan diin. Ug siya buot nga masayud; ug akong gipadala siya aron nga bautismohan sa Ngalan ni JesuCristo, sa kanal sa irigasyon, sa pamaagi sa Ginoo. Aron mahimo nga usa ka turnilyo, apan, “Kung ikatuboy Ako, Akong paduolon ang tanan nga tawo ngari Kanako.”

⁸⁸ Ako mibisita, didto sa lalaki nga kanunay mokaha ug mga teyp dinhi, si Leo Mercier. Siya adunay hawanan sa kotse'ng guruyon. Ug ako nagapangampo sa pipila ka mga katawhan. Ug nag-ampo ako sa usa ka gamay nga dalaga nga ginganlan ug Lokar, nagatoo ako nga mao kadto. Ug siya aduna—aduna nay napulo'g upat ka mga operasyon sa cancer, ug ang doctor mibiya na kaniya aron mamatay. Ug naampo-an, ug giingnan nga dili siya mamatay, kon dili mabuhi siya. Ug wala nay bisan usa ka lama niini bisan diin. Ug tungod niana, kaluhaan ug walo sa iyang banay nagatindog didto, naluwas ug napuno sa Espiritu Santo. Mahimo nga usa ka buang, apan kini maoy pagkabig sa tanan mga tawo ngadto Kaniya, nga moduol. Kini nahitraha sa Pulong. Nakita ba ninyo kung unsay buot ko nga ipasabot?

⁸⁹ Nakadawat ako sa usa ka sulat nga miabot, usa ka adlaw sa wala pa ang kagahapon, anaa diha gibutang sa han-ayanan. Sa miaging Pagpangalarag, samtang ako didto sa biyahi sa pagpangayam . . . o, sa miaging Ting-panalingsing, usa na kadto ka tuig ang miagi. Usa ka Indian nga lalaki nga ginganlan ug Oscar, nga maoy among nakita sa dalan didto sa ibabaw; mao kini diin didto ang Manolunda sa Ginoo, nga akong gisugilon kaninyo, latas didto, nga maoy modala nianang dakung Osa ug—ug kanang salaping hilas nga uloabuhon. Kamong tanan nahinumdom pa niini. Ug unya kadtong maong lalaki, sa akong paglakaw ngadto . . . Siya milakaw padulong ngadto sa tolda, sa miaging Tingpanalingsing. Ug sa dihang si Bud mihangyo kanako sa pagpangayo sa panalangin, (iyang gihuslot ang iyang guwantis; misakay siya), iyang gibutang ang mga guwantis sa ibabaw ug andam na sa paggawas. Siya usa ka Katoliko. Siya walay arang mahimo bahin Niini.

⁹⁰ Sa miaging Tingpangalarag, sa nakahimo siya, sa pagtindog sa akong tupad . . . Sa dihang ang iyang inahan didto, naghimalatyon tungod sa ataki sa kasing-kasing, maingon siya, “Dili ba ikaw mahimo nga mobalik ug mag-ampo kaniya?” Mibalik ako didto sa gamay'ng payag sa Indian. Ug didto, tanan sila nagakatigum sa palibot niining inahan, ug himalatyon na siya, dili makasultig usa ka pulong nga English. Ug ang Espiritu Santo mikunsad ug giingnan ang inahan, pinaagi'g maghuhubad, ang iyang dalaga, unsa man ang nahitabo, nga mao kadto. Bisin sa pagtawag sa iyang ngalan, ug gisultihan

siya kung kinsa siya, ug unsa nga tribo siya, ug nganong nahitabo man kini. Ug ang inahan diha-diha naayo.

⁹¹ Ug sa pagkasunod nga buntag sa dihang mibalik ako aron pagtan-aw kanila, samtang nagsakay ako mulawig ug kapatan ka milyas alang sa usa ka carnero, didto silang tanan nagalingkod didto, silang tanan. . . misakay na usab sa kabayo aron mobalik ngadto sa pagbulad sa karne sa Osa. Ug matud ko, “Kagabii samtang nag-ampo ako, miingon ako, ‘Amahan namo nga anaa Ka sa mga Langit.’” Matud ko, “Louise, ako—ako. . . Kanhi usa ka Katolikong pag-ampo. Kamong tanan nagasugod, ug unya, dayag na lang, Gibiyaan ko ikaw.” Ug miingon ako, “Karon magpasalamat na lamang ako sa Dios. Dili na kami nag-ampo; sa among ginaampo-an.”

⁹² Siya miingon, “Kami dili na mga katoliko.” Siya miingon, “Nagatoo na kami sa imong tinuohan. Buot namo nga imo kaming dad-on tanan ug bautismohan mo kami sa paagi sa imong pagbautismo. Among gikinahanglan ang Espiritu Santo.”

⁹³ Sa pagbiyahi’g usab. . . Ang lalaki nawad-an sa iyang mga kabayo, pipila ka bulan sa wala kana mahitabo, wala na sila hikaplagi. Ug ang giya nagasinggit kaniya sa gawas nga nag-ingon, “Oscar, mahibalo ka ug maayo kay sa imong pagbiya nianang mga kabayo sama niana. Ang mga oso, daghan kaayong mga dagkung oso, nga mokaon sa mga kabayo ning panahona.”

Ug nagpabilin siya nagtindog haduol kanako. Ug miingon siya, usa niana ka gabii, matud niya, “Mangutana ko ug usa ka butang kanimo?”

Matud ko, “Oo.”

Matud pa, “Igsoon Branham, pag-ampo sa Dios. Nga ihatag sa Dios kanako pagbalik ang akong mga kabayo.”

Matud ko, “Si Bud nag-ingon nga ang mga oso mikaon na kanila.”

Matud niya, Igsoon Branham, pangayo-a sa Dios. Nga ang Dios mag-uli kang Oscar sa iyang mga kabayo Ginoo.”

Matud ko, “Nagatoo ka ba niana Oscar?”

Siya miingon, “Ako nagatoo. Ang Dios maoy nag-ayo sa akong inahan. Ang Dios maoy nagsulti kanimo kung diin ang oso, kung diin ang dula. Nga ang Dios, mahibalo kung diin ang dula, nahibalo kung diin ang akong mga kabayo.” Tan-awa?

⁹⁴ Usa ka tuig ang miagi, samtang nagatindog ako niadtong dapita kauban ni Fred Sothman, si kinsa ania niining gabhiona, si Billy Paul nga akong anak. Ang Espiritu Santo mikonsad. Matud ko, “Oscar, imong makaplagan ang imong mga kabayo. Sila anaa na karon magatindog sa niyebe.”

Anaa diha ang sulat, sulat alang kanako sa miaging semana, ug akong nadawat kini ug Beyernes, ug mianhi dinhi. Kini anaa

na karon diha laray. “Igsoon Branham, nakaplagan na ni Oscar ang iyang mga kabayo nga nagbarog sa niyebe.”

⁹⁵ Giunsa man nila ang pagkabuhi, walay bisan usa nga nasayud. Anaa, didto ang lalaki. . . Niining tuiga, sa Junio, adunay daghan kaayong niyebe aduna pay nagpabilin nga kaluhaan o katloan ka mga tiil sa niyebe ang nagalibot kanila. Giunsa man nila ang pagpakabuhi didto diha sa katugnaw, dinhi niining bung-awa? Si Oscar makahimo sa pag-adto kanila, nga magsul-ob ug sapatos alang sa niyebe, apan, dili niya mabutangan ug sapatos ang iyang kabayo. Apan iyang hingkaplagan sila, sumala sa Pulong sa Ginoo. Ingon ug sama sa buang-buang nga paminawon; tohi lamang kini sa usa ka higayon! Kini naga-agad kung hain ka mahitraha.

⁹⁶ Karon, kini dili mahitraha kauban sa usa ka denominasyon. Kini mahitraha lamang sa Pulong. Apan adunay mga tawo dinhi sa kalibutan nga nagatoo nianang maong Pulong! Nagkinahanglan ug usa ka turnilyo aron sa pa limis nianang Pangasaw-onon gikan dinhi, diin kini nahitraha, tungod kay ang Pangasaw-onon ug ang Pamanhonon usa ra. Ug ang Dios usa ra, ug ang Pulong mao ang Dios! Kinahanglan nga mahimong nahitraha diha sa Pulong, ug maoy mokuha sa Pangasaw-onon gikan sa mga denominasyon.

⁹⁷ Oo, siya buot nga mosaway kanako. Nahibalo ba kamo, kini nagpahinumdom kanako sa paghisgot mahitungod niini, ning buntaga, ang Dios nagtago sa luyo sa mga panit, panit sa tawo.

⁹⁸ Usa ka gamay nga sugilanon, ug unya matapos na ako; akong gikasubo nga gilangan ko kamo dinhi sa hapit kap-ata’g lima ka mga gutlo karon. Adunay usa ka puloy-anan, usa ka Cristohanon nga puloy-anan, ug adunay usa ka. . . Akong gisugilon kini ngadto niining hinawayon. Ug dinhi niining maong panimalay adunay usa ka. . . Sila nagatoo sa Dios. Adunay ilang gamay nga lalaki didto, apan nalisang siya sa kamatayon diha sa usa ka bagyo. Kilat, oh, nahadlok siya nga mamatay. Siya modalagan sa ilalum sa mga lamesa, bisan hain, kung kini mokilat na.

Busa usa niana ka gabii miabot ang usa ka dakung bagyo gikan sa uma, ug diin sila magpuyo, ug ang mga kakahoyan gihapak-hapak, ug ang kilat nagapangilab, halalom na ang gabii. Ang inahan miingon ngadto kang Junior, matud pa, “Karon, Junior, saka ngadto sa taas ug katulog na.” Matud pa, “Karon, ayaw na kahadlok. Padayon ngadto sa taas.”

⁹⁹ Unya ang gamay nga Junior, nga nagsul-ob sa iyang pajama, miadto ngadto sa itaas, mitan-aw pagbalik, nga hapit na mohilak. Mihigda siya, naningkamot nga mahikatulog, gitabonan ang iyang ulo. Dili siya mahikatulog; kanang kilat nga nagapangilab sa bintana. Busa miingon siya, “Oh, mama,” matud pa, “saka ngari ug katulog uban kanako.”

Ah, matud niya, “Junior, walay makasamok kanimo. Kanang kilat dili makadaut kanimo.”

Siya miingon, “Apan, mama, saka ngari ug katulog uban kanako.”

¹⁰⁰ Busa ang inahan misaka sa hagdanan ug mihigda sa lantay, uban sa iyang Junior. Ug miingon siya, “Junior, akong gamay’ng anak, si mama adunay isulti kanimo.” Siya miingon, “Junior, kita usa ka Cristohanon nga panimalay. Kita nagtoo sa Dios, ug kita nagatoo nga ang Dios manalipod kanato sa mga bagyo. Nagatoo kita niana. Ug nagatoo kita nga ang Dios nag-atiman sa mga Iya.” Ug miingon, “Gusto ko nga motoo ka niana, Junior. Nga, dili ka na mahadlok. Ang Dios atong kauban, ug panalipdan ta Niya.”

¹⁰¹ Wala tagda ni Junior sulod sa hamubong panahon, Matud niya, “Mama, nagtoo ako niana, usab.” Matud niya, “Apan kung ang kilat mahaduol na sa bintana, gusto ko nga mabati nga ang Dios adunay panit diha Niana.”

Busa naghunahuna ako nga ang tanan kanatong mga hamtong naghuna-huna sa samang butang. Ang Dios uban ang panit Niini! Ingon ug usa ka turnilyo nga paminawon, alang sa kalibutan, apan maoy pagkabig sa tanan mga tawo ngadto Kaniya.

Mag-ampo kita.

¹⁰² Amahan nga Langitnon, sama sa gamay’ng sugilanon sa—sa mga kasinatian, ug usahay kini sila mahitabo nga may katuyoan. Ug kini maoy, ingon ka yano maingon nga kahintang, apan among nasabtan kini diha sa pinulongan ug kini nahitabo diha. Busa nagapasalamat kami Kanimo, niining gabhiona, Ginoo, nga—nga ang Dios papuy-on Niya ang Iyang kaugalingon dinhi kanamo. Kami mapasalamatan nga adunay gihimong kapuli, ang Dugo sa Usa nga matarung, nga si Jesus; Nga mao ang kahupnganan sa Dios, ang kahupnganan sa Pagka-Dios diha sa lawas, nga Iyang gihalad ang Iyang bililhon nga kinabuhi; wala kuha-a gikan Kaniya, kon dili nga sa kinabubut-on gihalad kini diha niana, aron nga magkalipay kita Kaniya diha sa kahupnganan sa Iyang Presensiya, diha sa himaya sa Dios nga niini Siya nagpuyo; aron nga ang among mga kalag mamahimong mahinlo uban nianang Dugo, aron nga gamhanang Espiritu Santo Mismo makahimo sa pagpuyo dinhi kanamo. Ug aron nga mahimo kaming mga magtutudlo, mga profeta, ug sa uban pa, ngadto sa mga katawhan, ngadto kanila, Ginoo, nga mga kabus; ang mga gasa sa Dios; sa Iyang kaugalingon ang Dios nagapadayag, nagapadan-ag sa gawas sa dagkung mga gasa sa Dios, sa atubangan niining modernong panahon.

¹⁰³ Ug ang yanong sanglitanan Ginoo, sa pagkahimong usa ka turnilyo. Ug nasayud kami nga dinhi niining adlaw, nga nagkinahanglan usahay ug mga panahon sa dihang ang

kalibutan nagpa-ingon na sa usa ka kahimtang sa pagka-ulagon sama sa iglesia ug bag-ong mga denominasyon. Ang usa ka tawo nga nagagikan sa Pulong gina-isip nga usa ka turnilyo, ug usa ka tawong buang. Maingon sa kang bantogan nga apostol nga si Pablo, nga kanhi gibansay aron nga mahimong usa ka teologo, usa ka pari, ug bisan pa niana siya miingon nga siya nahimong usa ka buang, alang sa kahimayaan sa Dios. Iyang gitalikdan ang iyang edukasyon, aron nga ang mga katawhan mamahimong... maminaw sa iyang hataas-ug hinas-hasan nga mga pulong. Ug miingon siya nga wala siya moanhi uban sa mga pulong nga makabibihag ug kaalam sa tawo, nga aron ang ilang pagtoo mamahimong ingon niana. Giunsa sa iglesia ang pagtalikod gikan niana karon, maingon sa iyang gipanagna, “Human sa akong pag-gikan, ang mga lubo mosulod dinhi, nga dili malooy sa panon.” Apan siya miingon nga siya mianha diha kanila, “diha sa gahum ug sa pagpadayag sa Espiritu Santo,” aron nga ang ilang pagtoo mapahimutang diha sa Dios. Amahan, siya nahimong usa ka buang, alang sa kalibutan, aron lamang nga mahibaloan si Jesus.

¹⁰⁴ Ug maingon man usab kami niana karon, Ginoo. Aniaiy mga tawo nga nagalingkod dinhi nga gina-isip nga buang, tungod kay sila andam na nga mosalig sa Dios alang sa ilang kaayuhan, alang sa ilang Walay Katapusan nga pagadtoan. Nga gapahimutang sa ilang kadunggan diha sa kapildihan, sa pagsimba diha Kaniya. Nga pasalamaton Kaniya, nga nagadayeg Kaniya, nga nagahatag ug kagawasan sa ilang mga espiritu, alang sa pagsimba sa Dios; sila gina-isip nga buang. Apan nag-ingon Ikaw, nga, “Ang—ang kabuangan sa Dios,” kung kami usa ka buang, “labi pang kusgan ug maalamon kay sa kaalam sa tawo, tungod kay ang tawo, pinaagi sa kaalam, wala mahibalo sa Dios. Apan nga pinaagi sa kabuangan sa pagwali, kini nakapahimuot sa Dios aron sa pagluwas kanila nga angay pagaluwason.” Kami naga-ampo Dios, nga ang dakung Mag-uugmad niining maong Pulong moanhi niining gabhiona ug ayuhon ang masakiton, luwason ang nawala. Kini among gipangayo sa Ngalan ni Jesus. Amen.

¹⁰⁵ Akong giparihas ang Dios, aron nga dili kamo magakalibog kung unsay akong giingon karon; ang Dios maoy usa ka dakung Diamante, ang Walay Katapusan.

Ug kung ang usa ka diamante makuha gikan sa asul nga mga bato sa Africa, ako naka-adto sa mga minahan ug gipanidan sila diha sa dakong...kung giunsa nila ang pagproseso niini ug sa pagkuha sa mga diamante pagawas, gi-unsa nila pagpa-agi sa galingan sa bato, ug ang mahal kaayong asul nga kalayo'ng mga diamante, mga maitum nga diamante nanggula. Sila walay maayong porma, klarong porma. Sila mga dagkung bato lamang. Ug, sa tinud-anay, walay ilang kalayo diha kanila niadtong panahona. Sila mga diamante lamang, bato; malingin,

pinasinaw, kadaghanan kanila. Apan kining maong diamante kinahanglan gayud nga matipakan. Karon, supak kini sa balaod ang pagbaton ug usa nga walay tipak. Kinahanglan nga tipakan, ug unya kinahanglan nga adunay imong resibo kung diin mo kini gipalit, tungod kay adunay mga linibo ka mga dolyares kini sila.

Ug akong giparihas ang Dios nianang diamante.

¹⁰⁶ Karon, ang usa ka diamante gibuak aron nga kini modan-ag kung unsa kanang anaa sa ilalaum niini, ang kalayo nga anaa nianang maong diamante. Ug kinahanglan nga tipakon kini ngadto sa mga magagmay'ng bahin, matag magagmay'ng hitsura, tulo ka mga kanto. Ibutang ang tulo ka mga kanto ngadto sa usa ka diamante, ug ang usa ka kahayag nga mosugat batok sa tulo ka kanto'ng butang mohatag ug pito ka mga bulok, tan-awa, mahimong pito ka mga bulok.

¹⁰⁷ Ug karon hibalo-i, “Ang Dios gisamaran tungod sa atong mga kalapasan, napangos tungod sa atong pagkadautan.” Tan-awa, Siya nasamad, napangos, kanang dakung Diamante, nga aron gikan Kaniya modan-ag ang mga gasa ngadto sa Iglesya.

Ug kini dili mao ang kahayag; tungod kay, ang kahayag mobalik ra, kung ang adlaw mawala na niini, diin nga kini gitipak.

Apan ang matag gagmay'ng mga piraso nga nagagikan nianang sinapsap wala madaot; kini magamit sa gihapon. Daghan kanila ang gibuhat nga mga dagum nga Victrola. Ug kadtong maong mga dagum mohatag, sila nga gisapsap gikan sa diamante, maoy mohatag ug huni nga sa dugay na gitipigan diha sa usa ka plaka.

¹⁰⁸ Ug manghinaut ako nga inyong nakita kung unsa ang akong buot ipasabot. Ang sinapsap nga gikan kang Cristo, ang gasa nga gikan kang Cristo, gipahimutang diha sa ibabaw sa Biblia, nga mibotyag sa gililong nga mga tinago sa Dios ngadto sa mga magtotoo. Siya nahibalo sa tinago-an sa kasing-kasing. Siya nahibalo sa matag tawo. Nagatoo ba kamo niana?

Dili kung ang diamante ang naga-ingon, “Nakita ba ninyo kung unsa Ako?” Kini mao kung diin siya magagikan. Ang diamante maoy usa ka diamante tungod kay siya gikuha gikan sa usa ka diamante.

¹⁰⁹ Ug mao kana ang paagi sa mga gasa sa Espiritu alang sa tawo, kini maoy usa ka bahin niadtong maong diamante. Kini gipadala, ug gidala dinhi, ug gidala ngadto sa usa ka gasa, aron sa paghubad, aron sa pagwali, aron sa pagpanudlo. Adunay lima ka mga espirituhanon nga mga gasa; mga apostoles, mga profeta, mga magtutudlo, mga pastor, mga ebangelista, ug kini silang tanan alang sa pagpalig-on sa Lawas ni Cristo. Ug sama ka siguro nga adunay mga magtutudlo, mga pastor, kinahanglan gayud nga adunay mga profeta. Nahibalo kita niana

¹¹⁰ Ug atong gituohan nga ang Dios igapadayag sa katapusan nga adlaw, sa taliwa sa Iyang mga katawhan, ngadto sa piniling Kaliwat, sumala sa Biblia, pinaagi sa profeta. Kana maoy anaa sa Pulong. Dili nga ang tawo maoy Dios, apan ang gasa mao kadto ang Dios. Nakita ba ninyo? Ug kana mao ang dagum.

Karon, ang usa ka dagum dili makapatingog sa husto nianang maong plaka. Ug ang kasarangan nga igtatahing dagum dili makapatingog niini sa husto. Apan ang usa ka diamante, kini maoy pinakamaayo. Kini mohatag niini sa matin-aw, ang usa ka diamante'ng malantip ug tumoy nga dagum.

¹¹¹ Hinaut nga ang Dios, niining gabhiona. . . Ang inyong plaka sa kinabuhi, bisan unsay anaa nga sayop kanimo, bisan unsay inyong gitinguha sa Dios, hinaut nga ang dakung Agalon Kinsa maoy nagagunit sa dagum diha sa Iyang kamot, hinaut nga Iyang ibutang kini diha sa ibabaw sa inyong kinabuhi ug ipadayag nganhi kanato kung unsay imong tuyo dinhi, unsay imong gusto; unya atong mahibalo-an nga Siya ania.

¹¹² Amahan nga langitnon itugot Mo ba kini sa dili ko pa sugdan ang pagpangampo, nga wala gani ako maghuna-huna sa pagbuhat niini, apan itugot Mo ba kini, aron nga ang mga katawhan mahibalo. Tingali'g ang mga domuloong dinhi ang paga-ampoan. Wala ako makaila kanila, apan Ikaw maoy nakaila. Ug si Pablo nag-ingon, nga "Kung kamo magasulti ug mga dila ug kung walay hubad o dili makahatag ug kalig-on, ang mga katawhan mag-ingon nga ikaw nabuang. Apan kung ang usa magapanagna ug magatug-an kung unsa ang anaa sa kasing-kasing, nan moingon sila, 'Sa pagkamatuod ang Dios naga-uban kanimo.'" Itugot kini pag-usab, oh Dios, niining ulahing panahon, Nagsaad ikaw niini, ug kinahanglan nga mahitabo kini. Pinaagi sa Ngalan ni JesuCristo. Amen.

¹¹³ Karon wala ako mahibalo kung pila ang mga masakiton nga mga tawo nga ania, dinhi niining gabhiona? O naghatag ba si Billy ug pangampo. . .? Aduna na bay nagapanghatag ug mga kard? [Ang kaigsoonan miingon, "Oo."—Ed.] Naa ba. Ah, sa akong panagna sa matag-usang masakiton aduna nay prayer kard, apan wala ko masayud kung unsa ang nakasulat niini akong naisip nga nanghatag na siya ug kard; gisulat ninyo ang inyong gusto diha niini. Mao na ba kini? Pagkuha lamang ug kard; inyong ibutang diha niini kung unsay inyong gusto.

¹¹⁴ Wala ako mahibalo kaninyo. Kinsa man ang ania dinhi nga nahibalo nga wala ako mahibalo kaninyo, ug bisan pa kamo masakiton, kamo moingon niini, "Unsay akong nadungog imong isulti karon, ang Dios anaa nagatago sa panit sa tawo, ang Dios nga nagpaluyo sa panit sa tawo nagtabon sa iyang kaugalingon"? Apan kung kamo nakabaton sa espirituhanong mga mata, mahimong ablihan ug makita ninyo Siya, ug tanawon kung Kinsa Siya. Ug kamo nagatoo niana. Si Jesus nag-

ingon, “Siya nga nagatoo Kanako ang mga buhat nga Akong ginabuhat mabuhat niya kini; ug labaw pa gani niini ang iyang mabuhat, tungod kay moadto ako sa Amahan.” Karon, kung motoo ka uban sa tibuok ninyong kasing-kasing!

115 Pila man ang ania dinhi nga masakiton, ug nahibalo nga wala ako makaila kaninyo, nahibalo kung unsay nahitabo kanimo? Ipataas lamang ang inyong kamot, ug moingon, nga “Ako masakiton. Adunay akong panginahanglanon.” Pila man ang adunay tinguha diha sa ilang mga kasing-kasing, dili masakiton, apan adunay mga tinguha? Nahibalo ba kamo kung unsa . . . ? . . . Padayunon ta. Walay usa diha niana, nga akong nakita, apan kung unsay gigunitan sa ilang kamot Karon, wala ako mahibalo . . .

116 Nahibalo ako niining tawhana nga nagalingkod dinhi. Nakasiguro ako nga kana mao si Igsoon James, ug nagatoo ako nga si Igsoon nga babayeng James kana. Igsoon Ben, Ako nahibalo. Sa inyong mga nawong lamang, usahay; kanang igsoon nga nagakuha ug mga hulagway. Apan ang . . .

Itugot sa pipila dinhi niini, bisan asa, lamang. . . Ako—ako—akong gihagit kini diha, sa sukaranan, ug sa pagkatapos niining maong Mensahe.

117 Nahibalo ba kamo nga ang Dios nagsaad niini nga mahitabo dinhi niining katapusan nga mga adlaw? Nagbuhat Siya ug saad. Tan-awa? Karon dili ko kini mahimo ang pagpahitabo. Tan-awa, dili ako—ako makahimo niana. Siya maoy magabuhat niana. Siya maoy Bugtong nga makahimo niini; ug dili ako. Apan nagatoo ako Kaniya, o dili ako makahimo sa pagtindog dinhi nga magasugilon kaninyo ug mga butang nga gani wala ko kini tuohi. Karon, pag-ampo kamo, ug ingna ninyo, “Ginoong Jesus, gitudloan ko sa Biblia nga Ikaw usa ka Labaw’ng Sacerdote hangtud karon, nga mahimong hikapon pinaagi sa pagbati sa among mga kaluyahon.” Dili ko igsapayan kung hain ikaw. Ug ingna lamang, “Nagatoo ako Kanimo. Ug, pinaagi sa pagtoo, nagatoo ako kung unsa ang gisulti nianang tawhana nag-ingon karon.”

118 Kana mao ang giingon sa Manulonda kanako. “Patuoha ang mga katawhan kanimo.” Ug kung Akong isulti ang Pulong sa Dios, dili kini “magtoo kanako,” kini “toohi ang Pulong.”

Ug kon kini dili sumala sa Pulong, bueno ayaw pagtuohi kini. Apan kung motoo ka nga kini mao ang Pulong, dayun, bisan kung unsa pa kini, mag-ampo ka ug motoo, ug tan-awon kung Iya pa ba sa gihapon ipadayag kung unsa ang anaa sa imong kasing—kasing.

119 Ug bisan kinsa nahibalo nga ang Biblia nag-ingon, nga, “Ang Pulong sa Dios mahait pa sa espada nga duhay sulab, ug makatugkad sa mga huna-huna ug tinguha sa kasing-kasing.”

Mao kana ang pagkahibalo ni Abraham nga kadto mao ang Dios, sa dihang Iyang nahimo ang pag-ingon kung unsay giingon ni Sarah sa luyo sa tolda, kung unsay iyang ginahuna-huna bahin niini; sa dihang miingon Siya, “Pagaduawon Ko kamo,” ug si Sarah namalandong diha sa iyang kasing-kasing, “Kini dili mahitabo.”

¹²⁰ Karon, nag-ingon ako nga ania Siya aron sa pag-ayo kaninyo. Unsa man ang inyong hunahuna mahitungod niini? Kung motoo lamang kamo! Karon, dili nako, wala ko’y sigurado nga pamaagi; Ang Langitnong Amahan nahibalo niana. Tan-awa? Igo lang nga akong kinahanglan mapanlantaw kini. Ug kung unsa ang akong makita, akong isulti; ug kung unsa ang dili ko—ko makita, dayag na lamang, nga dili ko makahimo sa pagsulti. Apan Siya Diyos! Makapauswag ba kana sa inyong pagtoo, kung Iyang buhaton kini?

Ang pagwali sama niana, kini naga-pahuyang kanako ug diyotay. Apan ania Siya dinhi. Namatikdan ka kana. [Si Igsoon Branham mihunong—Pat.]

¹²¹ Gibantayan ko ang usa ka tawo samtang iyang giduko ang iyang ulo, *daha* sa likod. Ang iyang asawa milingkod uban kaniya, nag-ampo usab. *Daha* sa likod. Ang iyang asawa nag-ampo. Adunay usa ka lulan diha sa inyong kasing-kasing. Adunay gibog-aton sa iyang kasing-kasing. Kini alang sa inyong ogangan nga babaye. Husto kana. Motoo ba kamo nga ang Dios makahimo sa pagsulti kanako kung unsay nahitabo sa inyong ogangan nga babaye? Wala ako makaila kaninyo. Mga dumuloong ta ang usag-usa kanato. Busa mao ba kana ang tinuod? Nagatoo ba kamo nga ang Dios makahimo sa pagsulti kanako kung unsay nahitabo kaniya? Wala siya dinhi. Akong nakita ang usa ka halayong distansiya; siya atua sa silangan gikan dinhi. Siya atua sa Ohio. Husto kana. Siya naga-antos diha sa kahimtang sa iyang dugo. Ipadala sa imong asawa kanang panyo didto, siya nagpadayon sa paghilak, ibutang sa ibabaw niya. Ayaw pagduha-duha; kay mamaayo siya. Toohi kana?

¹²² Aniyay usa ka babaye nga nagalingkod dinhi karon sa akong atubangan. Naghilak siya. Adunay dili maayong nahitabo nianang bata, wala ako mahibalo. . . Dili, walay nahitabo niini. May gitinguha lang siya nga usa ka butang. Siya naninguha sa pagdawat sa bautismo sa Espiritu Santo. Kana mao ang MAO KINI ANG GIINGON SA GINOO. Toohi, anak, tungod kay imong madawat Kini. Husto kana. Ayaw’g pagduha-duha.

¹²³ Aniyay usa ka babaye nga nagalingkod dinhi sa tumoy niining maong linya. Naga-ampo siya. Dumuloong ako kaniya, siya gilandungon. Adunay imong mga operasyon. Kung kita mga dumuloong man ang usag-usa, akong gihuna-huna. Wala ako makaila kanim. Wala ka makaila kanako, tingali sa imo lamang nadunggan ang bahin kanako. Dili ka taga dinhi. Ikaw usa ka

dumuloong sa atong taliwala. Taga Wisconsin ka. Ang maong siyudad mao ang Milwaukee. Ug ang imong gibati cancer; anaa kini sa imong suso. Operasyon human sa operasyon, apan bisan pa niana walay kalampusan. Tugoti ang pagtoo, nga maoy makahikap sa sidsid sa Iyang kupo, tuohi kini karon dayon. Ipatidlum kini sa imong kasing-kasing; kay mahitabo kini. Toohi!

¹²⁴ Usa ka tawo nga nagalingkod sa ibabaw diha sa kanto. Siya naga-ampo alang sa iyang inahan. Siya dumuloong alang kanako. Wala ako makaila kaniya. Apan naga-ampo siya alang sa iyang inahan. Ug ang iyang inahan adunay manag samang butang nga ania niining maong babaye, cancer. O kaha, nahadlok siya niini, nga mao kini. Adunay usa ka tawo nga imong giampo-an, ug kanang tawhana adunay iyang gibati sa iyang likod. Siya usab, nakita ko siya nga nahubog. Siya usa ka palahubog. Ang imong igsoon nga lalaki. Dili ka taga dinhi. Taga Illinois ka. Nagatoo ba ikaw nga ang Dios makahimo sa pagsulti kanako kung kinsay imong ngalan? Si Farmer. Husto ba kana? Ipataas ang imong kamot. Toohi!

¹²⁵ Adunay usa ka tawo nga nagaluhod alang sa usa, nga naga-ampo, ngadto sa usa nga anaa nagahigda sa usa ka tehiras. Padayunon ta. Nagatoo ba ikaw nga kung unsay imong nadungog, maoy Kamatuoran, babaye? Buhaton mo. Kung ayuhon ko ikaw, mo-anhi ako sa pagbuhat niini. Apan giayo na ikaw ni Cristo, nakita mo. Kinahanglan nga tuohan mo kini. Kanang babaye nga nagatindog diha, nga naga-ampo, nag-ampo alang kanimo nga unta hikapon. Wala ako makaila kanimo, apan ang Dios nakaila kanimo. Dili ka taga dinhi, usab. Husto kana. Taga Illinois ka. Kana maoy tukma. Ang siyudad gitawag nga East Moline, Illinois. [Ang igsoon nga babaye miingon, “Kana mao ang siyudad diin ako natawo.”—Ed.] Ikaw nag-antus sa cancer. Asawa ka sa usa ka ministro. Nagtoo ba ikaw? [“Oo.”] Mamatay ka, nga magahigda diha. Nganong dili mo Siya dawaton niining gabhiona, ug moingon, “Makahimo ako, sa sulod sa akong kasing-kasing, uban sa akong pagtoo nga labaw sa tanan butang nga ania dinhi, ako nagatoo nga naayo na ako. Anaa na ako sa Atubangan sa Dios.” Tindog, tuohi, ug uli sa inyo ug mamaayo na. Mao kana siya.

Nagatoo ba kamo uban sa tibuok ninyong kasing-kasing? [Ang congregasyon nanagmaya—Ed.] Atong dayegon ang Dios.

¹²⁶ Amahan nga Langitnon, among gipasalamatang Ikaw tungod sa Imong pagkamaayo ug sa kalooy. Nagpasalamat kami Kanimo, tungod kay, ania sa gihapon Ikaw, dinhi gayud sa taliwala sa tanan niining mga panghitabo. Dinhi niining maong kalibutan nga sukwahi, apan sa gihapon ania Ikaw dinhi. Itugot nga ang Imong Espiritu, Ginoo, kanunay’ng magapabilin uban kanamo. Among nakita nga ania Ikaw dinhi, Dios nga uban sa panit nga gitakuban niini, diha sa kasing-kasing sa

tawo; nga nagahatag ug pagtoo, ug pinadayag, ug panan-awon. Ikaw mao ang Dios sa Imong Iglesia, Dios nga anaa sa Imong mga katawhan. Nagapasalamat Kami tungod niini, Ginoo. Ug hina-ut nga ang matag -usa motoo, niining gabhiona, diha sa pagkahini-usa, ug hina-ut nga mamaayo sila. Pinaagi sa Ngalan ni JesuCristo, ako nga-ampo. Amen.

¹²⁷ Pila man ang ania dinhi nga adunay mga kard, didto nianang kilira? Tugoti sila nga anaa *niana* nga kilid, mobalik, moari dayon diri sa tunga *niining* alagianan. Sila nga atua *nianang* maong alagianan, moari dayon dinhi *niining* usa ka alagian, pahimutang lamang sa inyong dapit, duol dayon diri *niining* maong alagianan. Tugoti dayon sila sa pagpa-ari sa dihang matapus na sila, *kining* maong linya maoy mokuha sa sunod nga pikas.

¹²⁸ Kamong mga anciano duol kamo ngari. Igsoon Roy, ang Ginoo magapanalangin kanimo; wala ako mahibalo nga ania ka nagalingkod dinhi. Akong gikinahanglan ang mga diacono dinhi sa iglesia karon dayon, kon makahimo sila sa pagsulod bisan hain. Dali ngari alang sa pagtabang ug diyotay.

Gusto ko nga ang matag- usa nga magapa-ampo, sa pagpataas sa inyong kamot, isulti kini sa pagsunod kanako.

Ginoo, [Ang Congregasyon, miingon, “Ginoo,”—Ed.] nagatoo ako. [“ako nagatoo.”] Tabangi ang Akong pagkadili matinuohan. [“Tabangi ang akong pagkadili matinuohan.”] Ako nagatoo [“Ako nagatoo”] nga diha sa Imong Atubangan, [“nga diha sa Imong Atubangan,”] samtang akong sundon ang Imong Pulong, [“samtang akong sundon ang Imong Pulong,”] ug ang akong. . . ang mga kamot nga gipandong kanako niining gabhiona, [“ug ang mga kamot nga gipandong kanako niining gabhiona,”] akong dawaton ang akong kaayohan, [“akong dawaton ang akong kaayohan,”] sa Ngalan ni Jesus [“sa Ngalan ni Jesus.”] Amen. [“Amen.”] Ang Dios nagapanalangin kaninyo.

¹²⁹ Karon bantayi. “Ang pag-ampo nga may pagtoo magaluwas sa masakiton. Kung ilang pandungan sa ilang mga kamot ang masakiton; sila manga-ayo.” Iyang gisultihan si Noe nga mo-ulan. Wala kini—wala Niya. . . Karon, wala Niya ingna, “Samtang nga—nga maga-ampo ka, mamaayo ka.” Siya nag-ingon nga, “Mamaayo sila.”

¹³⁰ Iyang gisultihan si Noe nga moulan. Wala kini moulan sulod sa usa ka gatus ug kaluhaan ka mga katuigan, apan kini miulan ra.

Iyang giingnan si Abraham nga makabaton siya ug sa ka anak pinaagi kang Sarah. Wala kini mahitabo sulod sa kaluhaan ug lima ka tuig, apan nga makabaton ra niini.

Gisultihan si Isaias nga usa ka ulay manamkon. Wala kini mahitabo sulod sa walo ka gatus ka tuig, apan nga nanamkon ra siya.

Husto ba kana? Nagsaad Siya niini! Walay sapayan kung unsa ang gidugayon niini, Iyang buhaton kini, bisan pa niana. Nagatoo ba kamo niana.

¹³¹ Duol na kamo karon. Ihatag kang Igsoong Capps ang pagdumala sa mga alawiton. Kuhaon na ba ang mga kards? Karon buhaton ta nga ang tanan mag-ampo na karon.

¹³² Langitnon namong Amahan, among pagatumanon ang Imong mga sugo pinaagi sa pagpandong sa among mga kamot sa ibabaw niining mga masakiton nga mga tawo. Walay usa ka butang nga akong nahibaloan nga Imong pagabuhaton, Ginoo, tungod kay naga-ingon man Ikaw, diha sa Imong Pulong, gibayran Mo na ang ilang kaayohan. Gipamatud-an Mo kana nga ania Ka uban kanamo niining gabhiona, ang Pulong nga makahimo sa pag-ila sa huna-huna nga anaa sa sulod sa kasing-kasing Imo kanang gipamatud-an nga ania Ka sa among taliwala. Ug naga-ampo ako, Kanimo, Amahan, nga ang Imong Pulong, nga dili gayud mapakyas, mga mamahimo untang matuod sa matag kasing-kasing! Nga maoy Imong giingon, “Kung motoo lamang ikaw niini; nga dili magaduha-duha, kondili magatoo niini; maga-ingon ka niining bukira, ‘Balhin,’ ug dili magaduha-duha, kondili motoo nga kini mahitabo gayud!” Wala siya mag-ingon nga sa panahon.

¹³³ Imong gisultihan ang mga katawhan, sa Pentecostes, sa pagtungas didto ug magpaabot. Wala ka mag-ingon sa mga takna, mga adlaw; kondili naga-ingon Ikaw nga, “hangtud.” Karon ania sila sa pagdawat sa ilang kaayohan, hangtud nga ang kagawasan moabot na. Kami nagatuman Kanimo pinaagi sa pagpandong sa among mga kamot diha sa ibabaw nila, ingon nga mga magtotoo. Sa Ngalan ni Jesu Cristo. Amen.

¹³⁴ Atong padayunon, duol dayon karon. [Si Igsoon Branham ug ang mga kaisgonan mipandong sa ilang mga kamot diha sa mga katawhan, giampoan ang matag-usa nga anaa diha sa linya. Walay sulod nga bahin diha sa tyep—Ed.] Nanga-ayo na kamo. Ang Dios magapanalangin kaninyo. Kana maoy maayo. [Walay sulod nga bahin diha sa tyep.]

Tanan butang posebli, too lamang;

Too lamang, too lamang,

Tanan . . .

Ginoong Jesus, naga-ampo ako alang niining mga panyo karon, sa Ngalan ni Jesu Cristo Amen.

Ambot lang kon atong mailisan ang mga pulong:

Karon nagtoo ko, niini karon nagtoo ko,

Tanan butang posebli, karon nagtoo ko;

Karon nagtoo ko, karon nagtoo ko,

Tanan butang posebli, karon nagtoo ko.

135 Nagatoo ba kamo nga kung unsa ang atong gipangayo ug gitinguha kini igahatag? [Ang Congregasyon miingon, “Amen.”—Ed.] Kana mahitabo gayud.

136 Akong nakita, nga miagi sa linya dili pa lamang dugay, sila nga akong mga higalang Italianhon nga gikan sa Chicago. Pila man ang nakaila kang Igsoon nga babaye nga si Bottazzi nga taga Chicago? Ah, nahibalo ba kamo, siya adunay usa ka-
usa kadautan sa pangisip dili pa lamang dugay, hilabihan—hilabihan ang pagkadautan. Apan buntag kadto didto sa pamahaw sa Christian Business Men sa Chicago, akong gisultihan ang igsoon nga babaye, ilalum sa pagmando sa Espiritu Santo. Mibalik siya ngadto sa usa ka kilid, ug dili gani niya mapug-ngan ang iyang kaugalingon. Ug unya akong giingan, “Igsoon nga babaye, dili mo makuha kini diha-diha, apan mamaayo ka ra.” Matud ko, “Kini tingali’g mga napulo’g walo ka bulan, o kaha mga duha ka tuig, diha nianang maong husto-ug ikaw mamaayo.”

137 Sa miaging adlaw samtang makigsulti ako kaniya . . . akong nadungog siya nga nagpamatuod, nga malipayon kaayo, ang tuman nga kalipay nga iyang naangkon sa tibuok niyang kinabuhi. Nagsakay siya sa usa ka sakyanan. Wala siya’y kalinaw, ang Presensiya sa Dios ingon ug mipahilayo na kaniya; dayag na lamang tungod kay, kadto maoy nerbiyos sa kaisipan, nahibalo na kamo; ug wala lamang damha kini mibalik ngadto sa usa ka dakung kalipay nga naga-awas, ug ang gahum sa Espiritu Santo diha sa ibabaw niya. Mihilak siya, mitiyabaw siya, adunay iyang—iyang. . . Sila adunay usa ka dakung panahon, mga tulo o mga upat na ka semana ang milabay, o usa ka bulan. Ug nadungog ko siya nga nagpanghimatuod, Dominggo sa wala pa maghinapos, siya miingon, “Igsoong Branham, sa dihang mibalik ako, akong timan-an ug dalhon kana nga teyp. Ug kadto tukma gayud nga napulo’g walo na ka bulan., niadtong adlawa.” Amen.

Nahigugma ba kamo Kaniya? [Ang Congregasyon miingon, “Amen.—Ed.] Kana Siya kahibulongan? [“Amen.”]

138 Karon, mao ra nga Espiritu, Santo ang makahimo sa pagtag-an sa tukma gayud, nga wala gayud mapakyas ug usa ka panahon, tanan niining mga tuiga; ug, pinaagi sa Iyang Pulong, gisulayan sa pagbukas alang kaninyo karon nga ang Dios dili usa ka butang lamang o usa ka butang nga makasaysayan. Siya maoy usa ka buhi, naa kanunay karon ang iyang Pulong gihimong dayag. Nagtago sa iyang kaugalingon diha sa tawo, diha sa iyang Iglesia nagapadayag sa Iyang kaugalingon pinaagi sa inyong pagtoo ug sa akong pagtoo, nga naghiusa, nga nagakahiusa sa pagduol, nga naghimong usa ka bahin sa Dios. Walay butang nga akong mahimo kung wala kamo; walay butang nga mahimo ninyo kung wala ako; ni adunay mahimong bisan usang butang kung wala ang Dios. Busa, ang pagkahiniusa maoy

makapahimo nga usa ka bahin, ang sumpay. Ang Dios nagpadala kanako alang sa maong katuyoan; nagatoo ba kamo niini; ug niana kini mahitabo. Ingon lamang niini, tan-awa, gipamatud-an sa hingpit.

Dili ko igsapayan kung unsay nahitabo kanimo, kung unsa ang gisulti sa isa; kung, gikan sa imong kasing-kasing, nagatoo ka niana nga mamaayo ka, walay bisan unsa nga makahimo sa pagsalanta niini. Gipamulong na Niya kini. Ug miingon Siya, “Ang mga Langit ug yuta mahanaw, apan ang Akong Pulong dili gayud mapakyas.” Nagatoo ba kamo niana? [Ang Congregasyon miingon, “Amen.—Ed.]

¹³⁹ Pila man kaninyo ang maga-ampo alang kanako didto sa laing tigum samtang moadto ako? [Ang Congregasyon miingon, “Amen.”—Ed.] Ako maoy nagakinahanglan ug pag-ampo. Tan-awa? Ang tanan misalikway kanako, tan-awa, apan kamo, bisan pa niana adunay Kaliwat didto.

¹⁴⁰ Nagpadala ako ug usa ka surat ngadto sa Habagatang Africa. Dili nila ako tugotan sa pagpaadto gawas kon moperma ako ug usa ka kasabutan nga ako “magabautismo, paingon nianang dapita, ang matag-usa makatulo ka higayon; kausa alang sa Amahan, ug ang lain alang Anak, ug sa Espiritu Santo, nga pasukamod. Diha sa pikas bahin, akong bautismohan nga pinahayang, usa alang sa Amahan. . . Ugitudlo nga kana usa ka Doctrina.”

Akong gisulatan sila sa usa ka surat. Matud ko, “Ang Espiritu Santo dugay na nga naninguha, sa mga miaging katuigan, sa pagpaadto kanako sa Africa pag-usab. Gusto niyang gamiton ang akong bulohaton didto diin adunay katloan ka libo ang midawat kang Cristo sa usa ka hapon.” Matud ko, “Hinumdumi, ang ilang dugo nianang mga kalaga anaa diha kaninyo, dili kanako. Gitanyag ko na ang pag-anha, apan dili kamo buot niini.”

Dili ako makasiguro kung unsa kaha ang mahitabo niini sa maong adlaw sa dihang si Jesus, ang Anak sa Dios nga gisalikway na gikan sa iglesia, ang Pulong nga gisalikway? Apan diha-diha nianang tanan, Siya sa gihapon nagapadayon sa pagpaila sa Iyang kaugalingon diha sa Iyang katawhan. Dili ba kamo makapasalamat tungod niini? [Ang Congregasyon miingon, “Amen.”—Ed.]

¹⁴¹ Ug unya milabay ako, niining gabhiona, akong gitapion ang akong mga kamot diha kanila, ang uban mga tigulang na nga babaye, ang uban batan-on, ang uban tigulang, ang uban batan-on nga lalaki, tigulang nga lalaki, nabasa sama kanako. Nagdahum ako, nga ang “Nagalingkod didto, nagalingkod didto nga nagapaminaw diha sa Pulong ug ang uban sa kalibutan nagdahum nga buang.” Tan-awa? Sila mao-sila mao ang mga tarugo. Tan-awa, ang Dios ania karon aron nga trahaan kini,

nagkuha kaninyo diha-diha gikan sa inyong balatian. Kini maoy usa ka saad sa Pulong. Hinumdomi lamang, kini nagasugod na sa paghugot, “Akong kabigon sila; kung igatuboy lamang na ako, akong kabigon sila.” Iyang kuhaon kini gikan kaninyo. Siguro nga Iyang kuhaon gayud. Toohi lamang ninyo Siya, batoni ang pagtoo diha Kaniya. Ayaw pagduha-duha Kaniya. Toohi Siya.

¹⁴² Iampo ako. Kung wala nay lain nga usa nga inyong ampoan, hinumdomi lamang ako.

Ug unya hangtud nga magkita kita! magkakita ta!

Magkakita ta . . .

Salamat sa inyong pag-anhi alang kaninyo nga halagyo. Ang Dios maga-amping kaninyo samtang mamauli na kamo!

Hangtud nga kita . . .

Komusta ang tanan nga mga Cristohanon, timbayaa sila, gikan niining panon dinhi. Ang kalinaw sa Dios magauban kaninyo! Shalom!

Ang dios magauban kaninyo hangtud nga magkita ta pag usab!

[Si Igsoon Branham misugod sa pag haming sa *Ang Dios maga-uban Kaninyo—Ed.*] . . . hangtud magkita ta!

Hangtud magkita sa tiilan ni Jesus;

Hangtud magakita ta! hangtud magakita ta!

Ang Dios mag-uban kaninyo hangtud makita ta pag-usab!

¹⁴³ Nalipay kaayo ako. Nakita ba ninyo, adunay uban, daghan mga butang nga wala ko mahibalo-i, apan adunay mga butang nga akong nahibalo-an. Mapasalamaton ako kaayo kaninyo. Nalipay kaayo ako nga nakigka-uban kaninyo. Nalipay kaayo ako nga nahimong usa kaninyo. Ang Dios maga uban kaninyo. Gusto siya. Dili ka niya biyaan. Dili ka Niya talikdan. Dili ka gayud niya biyaan. Kamo human na makasulod lapas sa tabil karon. Tan-awa?

¹⁴⁴ Gikalipay ko kaayo ang pagpakakita kang Igsoong Palmer, usa sa atong katabang nga pastor dinhi niini, nga gikan sa Georgia. Si Igsoon Junior Jackson ania sa tigumanan kung asang dapita, tua didto sa kanto, nalipay kami nga nakig-uban siya. Si Igsoon Don Ruddell nga naglingkod dinhi. Oh, hilabihan ang kadaghan! Wala na ako mahibalo, kung aduna may akong nalimtan. . . Si Igsoong Bon Bryant dinhi, ug sa daghan pang uban dinhi, buotang igsoon, si Wilbur Collins. Nalipay kami kaayo nga gikauban kamong tanan dinhi.

Unsa lang kaha kung manindog ta sa atong mga tiil, sa makadiyot lang karon. Atong iduko ang atong mga ulo karon.

Hangtud magakita ta!
 Hangtud magakita ta sa tiilan ni Jesus,
 magakita ta!
 . . . hangtud magakita ta!
 Ang Dios mag-uban kaninyo hangtud magkita
 ta pag-usab.

¹⁴⁵ Inyo bang nabati ang kahaduol sa panag-ambitay uban sa Espiritu?


Atong i-ham kini. [Si Igsoon Branham ug ang Congregasyon misugod sa pag haming sa *Ang Dios Maga uban Kanimo—Ed.*]

Akong namatikdan si Igsoon Mckinney, nga taga Ohio, uban kanato. Si Igsoon John Martin ug ang iyang igsoon. Nalipay kaayo ako nga nakig-uban kamong tanan. Tingali kung dili ko na kamo makita, mga kaigsoonan. Siya nahibalo kaninyo.

Hangtud nga magkakita ta! Hinaut nga ang akong kasing-kasing ug ang inyo, uban sa kasing-kasing sa Dios, mamahimong usa hangtud nga magkakita ta! [Si Igsoon Branham ug Congregasyon nagapadayon sa pag haming sa, *Ang Dios Maga-uban Kaninyo—Ed.*]

Samtang atong iduko ang atong mga ulo karon sa pag-usab.

¹⁴⁶ Paningkamoti ang pagpasabot sa matag ministro nga nalipay kami tungod kanila nga sila mianhi dinhi, tanan ang akong mga layko, kamong mga katawhan nga gikan sa Tennessee, Ohio, ug latas sa nasud. Uban sa mga kababayenan akong nahimamat dinhi niini karon, tanan nga gikan sa Boston. Ang atong mga binulokan nga mga kaigsoonan dinhi sila, ning buntaga, gikan usab didto. Daghan kaayo ang gikan sa nagkalain-laing nga mga suok sa nasud; nagpasalamat ako kaninyo, akong mga matinumanon nga mga higala. Ang Dios magauban kaninyo. Gitawag ko kamo nga akong mga higala. Hinumdomi kung unsay giingon ni Jesus mahitungod niana? “Haduol bisan pa kay sa usa ka igsoon,” tinuod, usa ka higala. Samtang atong iduko ang atong ulo karon. . . Hangtud nga makahimo ta sa pagtigum pag-usab sa sunod nga pipila ka mga adlaw, ang Dios maga-uban kaninyo.

¹⁴⁷ Akong gihangyo ang atong maayo, mainunungon nga igsoon, si Igsoon Richard Blair, kung mahimo niya ang magpagawas kanato diha sa usa ka Pulong sa pag-ampo. Igsoon Blair. 

ANG PAGKA SALIKWAUT CEB64-0614E
(The Oddball)

Kining Mensahe ni Igsoong William Marrion Branham, Urang giwali sa pinulungang Ingles niadtong Domingo sa gabii Hunyo 14, 1964 sa Tabernakulo nga Branham sa Jeffersonville, Indiana, U.S.A., mao'y gikuha gikan sa usa ka magnetik teyp recording ug giimprinta sulod niini sa hingpit sa pinulungang Ingles. Kining paghubad sa pinulungang cebuano giimprinta niining tuig nga 2001 sa:

CEBUANO

©2001 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Pahibalo Bahin Sa Katungod Sa Pagmantala

Ang tanang katungod sa pagmantala iyaha lamang sa tag-iya. Kining basahona mahimong i-print sa printer sa balay alang sa personal nga gamit o sa pagpang-apod-apod, nga walay-bayad, ingon nga usa ka instrumento sa pagpakaylap sa Ebanghelyo ni Jesus Cristo. Kining basahona dili mahimong ibaligya, kopyahon nga pang-dinaghan, i-post sa website, i-store sa usa ka retrieval system, ihubad sa ubang pinulongan, o gamiton sa pagpangayo og mga amot nga walay ginapagawas nga kasulatan nga pagpahanugot gikan sa Voice Of God Recordings®.

Alang sa dugang nga mga kasayuran o alang sa uban pa nga ginapang-apod-apod nga mga materyales, mahimong kontakon ang:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org